

明治新刻

國史略


石村貞一編輯

二

館 11
531
三架函
〇號
七册

卷之二目次	
仲恭天皇	後鳥羽天皇
六條天皇	近衛天皇
堀河天皇	後鳥羽天皇
後鳥羽天皇	後白河天皇
後白河天皇	高倉天皇
土御門天皇	順德天皇
崇德天皇	白河天皇
後朱雀天皇	後一條天皇
冷泉天皇	村上天皇
村上天皇	花山天皇
後一條天皇	後三條天皇
後三條天皇	鳥羽天皇
鳥羽天皇	後白河天皇
後白河天皇	高倉天皇
高倉天皇	安德天皇
安德天皇	順德天皇
順德天皇	仲恭天皇


第七百五十四號
共七册



始



11
531



書庫引經之證

國史略卷之二

長門



石村貞一

編輯

紀元二千九百一十一年
即位
承平元年

新羅亡

朱雀天皇諱寬明醍醐帝第十一子也。母皇后藤原氏攝政

基經之女。十一月天皇即位時年八歲。以左大臣藤原忠

平攝政。日本紀畧○承平元年辛卯春二月京師多盜命近衛衛

門檢非違使每夜巡捕。○三年癸巳冬十二月南海道賊起

遣警固使於諸國。○四年甲午秋遣兵庫允在原相安捕海

賊。扶桑略記○五年乙未春二月下總人平將門殺常陸大掾平

國香將門高望之孫也。將門記是歲新羅爲高麗所亡。東國通鑑

○六年丙申夏以從四位下紀淑人爲伊豫守追捕海賊賊

國史略卷之二
高島忠房

帥小野氏彥等率眾降。淑人分給廢田及衣食。悉就農耕。

民始得安。扶桑畧記○八月。以左大臣忠平為太政大臣。攝政

如故。公卿補任○七年。丁酉春正月。天皇加元服。○天慶元年。戊戌

夏地大震。冬大雪深一丈。○二年。乙亥春三月。太宰府卻還

高麗聘使。○冬十一月。帝始讀史記。○平將門反。初將門

仕攝政忠平。求為檢非違使。忠平不省。走赴下總。襲常陸

介藤原維幾。武藏權守興世王。應之。說曰。關東八州。沃饒

而四塞。可據以霸天下。夫取一州。誅八州。亦誅誅一耳。顧

公安。所決將門大喜。延為謀主。遂陷下野。上野。略武藏。相

摸。劫國守。奪印鑰。遂自號平新皇。建都置百官。將門初將

門與藤原純友者。友善。嘗同登比叡山。俯瞰皇城。曰。壯哉

天慶元年

平將門反

藤原純友反

大丈夫不當宅此耶。遂與謀反。神皇正統記謂純友曰。他日得

志。吾王族當為天子。公藤原氏能為我關白乎。大鏡至是純

友為伊豫掾。任滿不還。招集海賊。劫掠南海山陽二道。以

遙應將門。潛遣人行火於東西京。京師騷擾。古事談純友執

備前介藤原于高。播磨介嶋田惟幹。日本紀畧詔發東西警固

使京師戒嚴。閉三關。外記○三年。庚子春正月。下官符。東海

東山二道。募勇士。其殺魁帥者。賜朱紫田地。傳之子孫。斬

次將以下者。隨勲賞之。以右近衛少將小野好古為山陽

道追捕使。以參議藤原忠文為征東大將軍。二月。賜節刀。

討將門。日本紀畧先是。下野大掾藤原秀鄉聞將門起兵。往見

之。將門方梳髮。捉髻而出。欵接之。命食共食。飯粒墮前。拾

平將門伏誅

而食之。秀鄉知其輕率不足與有為而去。盛衰記 ○三月秀鄉與常陸椽平貞盛先官軍擊將門平之。傳首于京師。興世王等伏誅。賞秀鄉叙從四位下。貞盛叙從五位下。紀畧 貞盛國香子也。○五月藤原忠文途還開關解嚴。○秋八月阿波言賊掠讚岐伊豫。紀畧 讚岐介國風奔淡路。乃發諸國兵士分遣警固使。賊藤原恒利納欵。國風以為嚮導。衝賊巢窟。純友敗走。太宰府。古事談 ○四年辛丑夏五月征南海賊使小野好古奏賊劫掠太宰府。以參議藤原忠文為征西大將軍討之。紀畧 小野好古等率精銳海陸相攻。純友航海而走。急追之。擲炬焚其艦。衆遂潰。純友僅以身免。還伊豫為警固使。橘遠保所誅。古事談 扶傳首京師。日本紀畧 ○秋八

藤原純友伏誅

六孫王經基賜姓源氏

始行幸賀茂社

月小野好古還京。○九月餘黨乘原生行等寇豐後。追討使源經基討平之。經基清和天皇孫貞純親王子也。以親王為帝第六子。世呼經基曰六孫王。賜姓源氏。子孫世為武臣。外記 ○冬十月太政大臣忠平罷攝政。十一月為關白。補任 ○五年寅春三月詔公卿大夫內外五位以上官長秀才明經及第儒士各上封事。陳得失。日本紀畧 ○四月帝行幸賀茂社奉神寶賽賊平。日本紀畧 賀茂行幸始于此。拾芥 ○九年丙午夏四月帝傳位於皇太弟。天曆六年三月薙髮。法名佛陀壽。八月崩壽三十。大鏡 帝政尚寬仁。忠平諫之。帝曰。朕聞政如張琴。大絃急則小絃絕。朕若嚴急。下民何堪。古事談 遺詔。薄葬。勿置陵。火葬。來定寺。比野藏御骨於後山。

階陵側一代要記

村上天皇諱成明醍醐帝第十四子。朱雀帝同母弟也。日本紀

紀元一千六百〇七年即位

天曆元年

即位於大極殿時年二十一。扶桑略記忠平關白庶政。補任○天

曆元年丁未二月鎮守府將軍平貞盛奏賊坂丸作亂官符

亂察其狀○六月課試醫學生○二年戊申春三月京師盜

賊橫行入右近衛府曹司○四月救諸衛嚴備盜賊○十

二月以盜數入禁內使諸衛巡夜○三年己酉秋七月太政

大臣忠平薨贈正一位封信濃公○五年辛酉冬十月置和

歌所以左近衛少將藤原伊尹為別當救大中臣能宣等

撰後撰和歌集八雲御抄拾芥鈔○八年甲寅秋七月救大內記菅

原文時等上封事言闕政文時條陳三事禁奢侈停賣官

置和歌所

撰後撰和歌集

天德元年
吳越使來

始歌合禁中

禁內火

懷遠人言甚剴切帝皆嘉納。本朝文粹○十年丙辰夏旱秋七月

詔減服御常膳絕左右馬寮林穀停諸役作省冤獄令諸

國灌漑量加賑贍免五畿七道諸國天曆五年以往調庸

未進者。本朝文粹○天德元年丁巳秋七月吳越持禮使盛德言

來○是歲穀價騰貴。日本紀略運近國不動穀於穀倉院置常

平所。西宮記○二年戊午春廢延喜通寶錢鑄乾元大寶錢○

三年己未冬十二月栽橘於紫宸殿。日本紀略○四年庚申春三月

御清涼殿歌合禁中歌合始于此。蓋勝抄○秋九月禁中火

宣陽殿累代重器溫明殿大刀節刀契印春興安福二殿

戎器內記所文書仁壽殿大乙式盤至此蕩盡帝避火神

嘉殿又遷太政官朝所遂遷職曹司。扶桑略記召左大臣藤原

應和元年

實賴詔曰朕以不德久居尊位遭此災殃憂歎無極敕索神鏡得之灰燼中形質無損奉安縫殿寮帝王編年記○敕課畿內南海及東至美濃西至長門十六國修宮期以明年

正月五日叙位以是日著為恒典扶桑略記○應和元年公卿補任○夏五月詔賜造

官諸國今年田租之半○冬十一月宮成徙御焉○三年

癸亥冬閏十二月給芽學院年官準勸學院任諸國椽○康

保元年甲子夏四月皇后藤原氏崩皇后右大臣師輔之女

也有婦德帝屢問政事所言多聽日本紀略○是歲栽櫻樹於

紫宸殿遷都之初桓武帝栽以梅至承和中而枯仁明帝

再植梅大德中罹災至是栽以櫻禁秘抄古事談○二年乙丑冬十

康保元年

月帝幸朱雀院觀左右馬寮騎召文臣四十人獻詩親試
○四年丁卯夏五月天皇崩壽四十一日本紀略遺詔不置國忌
山陵年行事帝寬裕溫恕恩無偏倚嘗問左右曰世謂朕如
何主對曰稱其寬帝曰上若嚴酷下何堪命大鏡嘗見一老
吏問曰朕治孰與延喜吏畏縮不言帝頻問不措吏曰賤
臣何有所見訓抄唯主殿寮多進松明率分堂生草蓋謂
劇務至夜歲貢少輸也帝有愧色古今著聞集時論謂德亞醒
翻後世言治者必稱延喜天曆神皇正統記葬於山城葛野村
上山陵

紀元一千六百二十八年

冷泉天皇諱憲平村上帝第二子母皇后藤原氏右大臣師

輔之女先帝升遐之夜群臣詣襲芳舍奉以劍璽乃踐祚

班延喜式

紫宸殿即位始于此

安和元年

源繁延叛

以左大臣藤原實賴為關白。○秋七月始班延喜式。○九月立皇弟守平親王為皇太弟。○冬十月即位於紫宸殿。時年十八。日本紀畧紫宸殿即位始于此。百鍊抄○十二月關白實賴為太政大臣。○安和元年。戊辰春三月以諒闇停諸節會。○二年。己巳春三月左馬助源滿仲等告中務少輔源繁延等叛。貶左大臣源高明為太宰權帥。右大臣藤原師尹為左大臣。日本紀畧初村上中宮生帝及為平守平親王。殊愛為平中宮妹適高明。高明又進其女為平妃。既而中宮與其父師輔皆逝。為平失勢。村上帝以帝多病欲立為平為其嗣。諸藤原氏以其婚源氏沮之。及村上帝崩關白實賴稱遺詔立守平。高明失望。右大臣師尹害高明。常謀

因事除之。代其位。至是源滿仲與橘繁延等密謀奉為平走關東作亂。既而滿仲意中悔。詰師尹誣告高明與繁延等謀廢立。帝未之信。師尹戒嚴諸門。遣兵圍高明第。貶之。京師騷擾。如天慶亂。滿仲經基子也。源平盛衰記夏四月竄繁延于土佐。命五畿七道索捕其黨。與悉遠。誦之。扶桑略記○秋八月帝禪位於皇太弟。寬弘八年十月崩。壽六十二。百鍊帝多病。時或發狂。后妃嬪御近侍者皆疑懼不自安。榮花一日欲視神璽。獨入卧內。方啓函。藏人頭藤原兼家突入奪之。江談抄讓位後疾遂不瘳。榮花物語火葬山城櫻本寺前野藏御骨於山側。日本紀畧

紀元一千六百三十年即

圓融天皇。諱守平。村上帝第五子。冷泉帝同母弟也。九月即

位於大極殿時年十一。日本紀略詔太政大臣實賴攝政。補○

天祿元年

天祿元年。庚午春正月。大納言藤原伊尹為右大臣。○五月

攝政太政大臣實賴薨年七十一。以右大臣伊尹攝政。○

冬十月。左大臣藤原在衡薨。補在衡中納言山蔭之孫。以

學累進。及台司以恪勤見稱。一日風雨甚。衛士相謂今日

在衡恐不得朝。言未畢。蓑笠乃至。在衡每朝車中覽書。及

入承顧問。必其書中事也。故才學雖不過人。為帝所稱。○

二年。辛未冬十一月。以右大臣伊尹為太政大臣。○三年。壬申

冬十月。太政大臣伊尹罷。攝政尋薨。補○詔權中納言藤

原兼通參決庶務。歷代皇紀尋為內大臣兼通伊尹弟。兼家兄

也。以兼家起已顯達。常觖望。屢廢朝參。帝稍疎之。兼通意

在衡車中覽書

天延元年

望攝關恐兼家妨村上中官其妹也。其在時兼通竊請其

手書曰。攝關有闕當兄弟相及。不宜躐等。及伊尹薨。來間

奉其書。帝見母后手跡。愴然乃超任之。兼家大啣。大鏡○天

延元年。癸酉夏四月。盜焚源滿仲家。延燒三百餘戶。召材武

者防衛。告闕。○二年。甲戌春二月。內大臣兼通為太政大臣。

○三月。以兼通為關白。歷代皇紀○貞元元年。丙午夏五月。禁內

火。帝避之。徙御職曹司。百鍊抄○六月。詔減服御常膳。免天

下。徭半。○地大震。至九月不止。○二年。丁未夏四月。以左大

臣源兼明為親王。右大臣藤原賴忠為左大臣。日本紀略賴忠

兼通所善。兼明其所惡也。榮花物語○五月。詔免造宮諸國。今

年租半。○秋七月。宮成。徙御焉。○冬十月。太政大臣兼通

貞元元年
禁內火

罷關白以左大臣賴忠為關白日本初兼通已專政又逼請為關白第宅僭擬官闕有謗者中以危法時人語曰寧投虎口勿觸攝政口與兼家益嫌隙朝臣詣兼家者以夜又誣奏兼家女幸冷泉上皇生子因圖廢立帝不信紫花物語兼家聞其疾劇曰吾將為關白遽入朝兼通聞其喝道聲以為問己病拂席踈過門不入乃大怒奮起力疾入朝兼家望見避之兼通意色殊惡直前奏曰臣今日行最後除目左大臣賴忠當代臣為關白兼家謀反當解見任左轉治部卿奏可兼通顧公卿曰誰欲大將皆相目未言中納言藤原濟時趨進曰臣可乎乃奏代兼家大鏡十一月太政大臣兼通薨○天元元年戊寅冬十月左大臣賴忠為太

天元元年

政大臣大納言藤原兼家為右大臣公卿補任○二年己未春三月謁石清水宮石清水行幸始于此一代要記○三年庚辰冬禁內又火○四年己辛冬十月徙御新宮日本紀略○五年壬午春京師諸國多盜奪調庸放火却人有盜露又登弘徽殿捕獲之小右記○冬十一月禁內火○永觀元年癸未夏四月改元

禁內火 永觀元年

大赦以頻年多災變故也本朝文粹○二年甲申秋八月帝禪位於皇太子寬和元年八月薙髮名金剛法正曆二年二月崩壽三十三帝王編年記讓位之後幸紫野為子日遊又幸大井川百鍊抄詩歌管絃三船分科古事談風流文雅後世稱焉火葬圓融寺北原藏御骨於村上山陵側

紀元一千六百四十五年 花山天皇諱師貞冷泉帝第一子母贈皇太后藤原氏攝政

即位

詔求直言

伊尹女鏡大永觀二年冬十月即位時年十七紀○關白太

政大臣賴忠如故補任○十二月詔求直言曰國之將興上

下聚唇其將廢道路以目雖澆季之俗疲極之民忘身戮

力庶可扶濟人和而天和民足而君足所謂大臣重祿不

諫小臣畏罪不言下情不上通此患之大者宜令公卿以

下各上封事匡朕不逮本朝○寬和元年乙酉秋七月女御

祇子卒大納言藤原為光女也○二年丙戌夏六月天皇夜

潛出宮入花山元慶寺藏人藤原道兼僧嚴久從之道兼

使左近衛少將藤原道綱奉璽劔於皇太子翌日天皇披

剃為僧法名入覺日本帝初親任權中納言藤原義懷左

中辨藤原惟成委決庶政以故紀綱振肅大太宰府有私

寬和元年

天皇逃入花山

紀元一千六百四十七年
即位

帶兵者即位僅十日府中無敢帶者江然而淫佚輕佻

多納王卿女恩眷無常至納女御祇子寵傾後官及其卒

悲不自勝遇事感愴有厭棄塵累之心適會所在男女無

故多為僧尼帝聞之心益動榮化又為藤原道兼所誑遂

及于此愚管常居元慶寺持律精嚴其幸熊野也徒步料

檄備極艱苦至病卧海濱大數年之後入京居外祖母家

稍近婦女志操遂變榮化寬弘五年二月崩于華山院壽

四十一葬山城紙屋川上法音寺北日本

一條天皇諱懷仁圓融帝子也母東三條院藤原氏右大臣

兼家之女帝即位時甫七歲帝王編右大臣兼家攝政補

時有冷泉圓融華山三上皇皆不關政兼家獨專政大○

永延元年
僧裔然還自宋

永延元年丁未二月東大寺僧裔然還自宋百鍊抄初裔然永

觀二年適宋元亨釋書獻職員令年代記各一卷百鍊抄大宗延見問

我邦世紀裔然對以皇統一系萬世不革宰輔以下諸臣

皆世家等事宋史文獻通考曰是蓋古之道也宋史文獻通考○三月

定新制十三條扶桑略記○五月定新制五條扶桑略記○秋七月以元

早詔公卿上封事日本書紀○九月中務卿兼明親王日本書紀親王

雄才博學嘗為左大臣為攝政兼通所忌罷為中務卿陽

尊實奪其權乃營龜山莊作菟裘賦以自遣本朝文粹至是薨

○永祚元年己丑六月太政大臣賴忠薨日本書紀○十二月攝政

兼家為太政大臣庚寅○正曆元年庚寅春正月天皇加元服百鍊抄

○五月太政大臣兼家罷攝政詔為關白尋罷以內大

臣藤原道隆為關白尋攝政道隆兼家長子也補任○七月

兼家薨日本書紀先是兼家削髮稱法興院關白相家稱院始

此大鏡○二年辛卯九月皇太后削髮號東三條院女院始此

紀日本書紀以右大臣藤原為光為太政大臣壬辰○三年壬辰六月太

政大臣為光薨補任世稱鷹司分脈○四年癸巳五月詔遣使

太宰府贈故右大臣菅原道具左大臣正一位尋贈太政

大臣大鏡裏書外記○五年甲午春正月帝始視除目中右記○二

月盜火清涼殿及弘徽殿飛香舍百鍊抄○長德元年乙未四

月關白道隆薨補任世稱二條分脈○以右大臣藤原道兼為

關白補任○五月道兼薨補任在職僅七日世稱七日關白曰粟

田初兼家薨道隆襲職道兼以有功於父缺望在喪無戚

相家稱院始此女院始于此

贈位故菅原道

長德元年

相家稱院始此

女院始于此

贈位故菅原道

長德元年

長保元年
禁內火

寬弘元年

禁內火

容會客游嬉時人醜焉。榮花物語 ○六月以權大納言藤原道長為右大臣。日本紀畧 道長兼家季子豪爽負氣嘗有相者視之曰是所謂虎獨步深山貴顯無比果如其言。大鏡 ○二年丙夏四月貶內大臣藤原伊周為太宰權帥權中納言藤原隆家為出雲權守諸門戒嚴 ○長保元年己亥 夏六月禁中火 ○十二月頒新制十一條。日本紀畧 ○二年庚子 春二月立女御藤原彰子為中宮彰子豐艷髮長於身二尺許。紀畧 時皇后侍女有清少納言中宮侍女有紫式部和泉式部並以文雅才色聞。十訓抄 ○三年辛丑 十一月禁內火。權記 ○寬弘二年己巳 十一月禁內火。法住寺攝政記 帝避之神嘉殿遂徙御太政官朝所。小右記 ○十二月遣使於伊勢奉宸筆宣命太神

宸筆宣命之始

一條院火

脫御衣體民苦

官告神鏡罹災宸筆宣命始于此。著聞集 ○三年丙午 春造宮殿 ○秋七月召公卿議改鑄神鏡有蛇上殿走向神鏡所在乃罷其議。百鍊抄日本紀畧 ○六年己酉 冬十月一條院火延喜天曆御記累朝寶器多焚天皇徙御左大臣道長枇杷第。百鍊抄 ○八年辛亥 夏六月帝禪位於皇太子雞髮法名精進覺尋崩壽三十二。百鍊抄皇代記 帝性慈仁常憫民庶嘗寒夜脫御衣以體民苦曰窮民必有不堪者朕豈忍獨重襲哉。古事談 帝臨御日久一時人才輩出。續往生傳 嘗言朕之得人勝於延喜天曆之世。神皇正統記 心疾道長專權而力不能制焉。古事談 遺詔停山陵國忌及素服舉哀。小右記 火葬于北山長阪野。紀畧 後藏御骨於圓融帝陵側。左經記

紀元一千六百七十二年
即位

長和元年

三條天皇諱居貞冷泉帝第二子也。母贈皇太后藤原氏太
 政大臣兼家之女。一代帝即位時甫三十六裏書○立敦
 成親王為皇太子親王一條帝第二子也。日本紀畧初一條帝
 禪位也。欲立長子敦康為天皇儲嗣。而以外舅伊周已死。
 無戚援。立二宮。鏡大○詔左大臣道長知太政官文書。小右記
 ○長和元年。壬子二月立女御妍子為中宮。妍子道長女。紀畧
 是為枇杷中宮。鏡大○四月立女御藤原娥子為皇后。紀畧娥
 子入宮有寵。帝欲冊立之。而憚道長。道長揣知帝意。陽贊
 成之。及冊拜。朝臣恐忤道長意。無至者。帝大恚。獨大納言
 藤原實資中納言藤原隆家等數人入豫嘉會。小右時道記
 長專朝政。廷臣實緣攀附。唯恐不及。由是綱紀日弛。大鏡○

榮華物語成

禁內火

禁內火

七月。式部大輔大江匡衡卒。匡衡博學冠世。其妻赤染衛
 門。嘗著榮華物語。叙藤原氏盛事。江吏部集小右記○二年。癸十
 二月。帝患耳目疾。使僧禱之。百鍊抄○三年。甲寅二月。禁內火。
 ○三月。內藏寮掃部寮火。累代寶器多亡。小右記○四月。帝
 徙御枇杷第。百鍊抄○四年。乙卯九月。宮成。徙御焉。○十月。詔
 左大臣道長行京官。除目於直廬。儀准攝政。小右記百鍊抄○十
 一月。禁內火。復徙御枇杷第。記○五年。丙辰春正月。帝禪位
 於皇太子。帝在位。頗惡道長專權。常慮為其所忌。意不自
 安。後病失明。朝會少臨。御道長數諷去位。帝不懌。小右記至
 是。欲親詣名寺以禱病。遂決意脫屣。大鏡寬仁元年四月。薨。
 髮。記畧法名金剛淨。皇胤解運錄五月崩。壽四十二。遺詔。停素服

舉哀紀火葬于石蔭榮花藏御骨於山城北山陵皇代

後一條天皇諱敦成一條帝第二子也母上東門院藤原氏

紀元一千六百七十七年即位

左大臣道長之女一代二月帝即位時年九歲立上皇皇

子敦明親王為皇太子小右以左大臣道長攝政○十月

寬仁元年

攝政道長罷左大臣補○寬仁元年丁巳春三月道長罷攝

政內大臣藤原賴通代之賴通道長之子也紀○八月皇

太子辭位立敦良親王為皇太子初道長奏請立敦良三

條帝不聽遂立太子年二十三長於帝十四歲太子不自

安東宮僚屬亦憚道長不敢供其職太子益不樂欲託疾

逃位召道長子能信告其情道長大喜即白太后傳詔允

小一條院

其請號曰小一條院大鏡置年官受領吏一准上皇大鏡又

女真賊寇壹岐及筑前

納其女為妃以慰之且掩物議大鏡故事立太子必傳壺切劍及敦明立有司替緩不傳之所以其不終也左經○十

二月前攝政道長為太政大臣尋罷○二年戊午四月宮成

徙御焉紀○三年己未夏四月女真賊船五十餘艘寇壹岐

殺守藤原理忠遂犯筑前太宰權帥藤原隆家遣前少監

大藏種村等逆擊大破之朝野詔進隆家爵以種村為壹

岐守大鏡○十二月攝政賴通為關白○四年庚申閏十二月

南蠻賊掠薩摩人詔討之左經○治安元年辛酉六月右大

臣藤原公季為太政大臣關白賴通為左大臣紀○七月

伊豫守源賴光卒賴光驍勇善射嘗過弟賴信第見繫鬼

同丸曰彼多力何不嚴其縛賴信乃繫以鉄鎖鬼同丸聞

治安元年

萬壽四年

長元元年

平忠常作亂

而怨之夜脫鎖逃聞其往鞍馬欲殺諸路殺野牛匿身其
 間以待之既而賴光至源綱公時姓平定道平季武從賴
 光見野牛群游令從士射之綱見斃牛射之俄而鬼同丸
 跳出揮刀逼賴光賴光挺刀斬之人服其勇武著聞○萬
 壽四年丁卯十二月前關白道長豐道長典樞機三十餘年
 女為三朝后子為攝關政柄歸已黜陟任心嘗創法成寺
 於京極擬興福寺窮極土木徙居之世稱法成寺攝政又
 稱御堂關白大鏡榮
花物語○長元元年戊辰夏六月前上總介平
 忠常作亂下總攻殺安房守惟忠詔檢非違使平直方等
 發東海東山二道兵討之左經○二年己巳夏六月遣檢非
 違使搜索平忠常家僮在京師者○十月太政大臣公季

忠常伏誅

豐紀○三年庚午春正月安房守藤原光業畏忠常奔印鑑
 奔還以平正輔代之○九月召還平直方敕甲斐守源賴
 信率阪東諸國兵討忠常忠常負山帶湖以為固賴信曰
 賊恃險吾直渡攻之可一戰下也聞有淺處可騎渡軍中
 豈有知之者乎有高文者自稱知之馳入湖行立葦為表
 賴信麾軍從之忠常驚怖出降今昔
物語○四年辛未夏六月賴
 信攜忠常入京師忠常途病死斬首以獻叙賴信從四位
 上為上野常陸介扶桑畧記
日本紀畧○九年丙子夏四月帝崩壽二
 十九左經帝在位重勞民及葬役夫相語曰二十年間令
 吾息肩今而可不效力哉帝王編年記
引經信記火葬於淨土寺西
 原藏御骨於淨土寺紀畧左
經記後移山城菩提樹院百鍊

紀元一千六百九十七年
即位
長曆元年

後朱雀天皇諱敦良。後一條帝同母弟也。七月即位於大極

殿。扶桑略記○長曆元年丁丑夏四月。攝津能勢郡始貢銅。百鍊抄

○三年己卯二月。延曆寺僧徒聞朝廷將以園城寺僧明尊

為座主。請關白賴通第訴之者三千餘人。守門不去。使兵

士驅之。捕首惡下獄。百鍊抄○三月。僧徒火賀陽院。索捕下

獄。扶桑略記○六月。禁內火帝徙御京極院。百鍊抄○長久元年

庚卯九月。京極殿火。神鏡罹災。百鍊抄初天德寬弘。災神鏡不

損。至是銷亡。僅收灰燼而已。人以為朝廷陵夷之兆。集

○三年壬午十二月。禁內火。○四年癸未三月。徙御一條院。○

十二月。一條院火。徙御東三條院。扶桑略記○寬德元年甲申秋

八月。宋商至。但馬遣使存問。使奪其財物。宋商訴命。悉還

寬德元年

神鏡銷亡

禁內火
長久元年

紀元一千七百零六年
即位

後冷泉天皇諱親仁。後朱雀帝長子也。母贈皇太后藤原氏

太政大臣道長之女。夏四月。即位於大極殿。扶桑略記立尊仁

親王為皇太弟。皇年代略記初後朱雀天皇大漸禪位於帝。欲

立尊仁為儲貳。召賴通命之。賴通以親王非藤原氏。出不

欲立。對曰。事未晚也。賴通退。弟能信密奏曰。陛下欲以第

二官付何僧。帝曰。朕將置之東宮也。能信曰。苟然早決之

不可過。今日過今日。恐有他故。帝悟。即日立為皇太弟。使

御骨於山城圓乘寺。百鍊抄

垂拱仰成。無所施為。世以為憾焉。神皇正統記火葬香隆寺藏

精進行。皇年代略記尋崩。壽三十七。帝頗叡明。然賴通專權。故

與之。百鍊抄○二年乙酉春正月。帝禪位於皇太子。薙髮法名

永承元年

能信傳十訓抄 ○永承元年丙戌春正月右大臣實資薨記

實資剛直明達不阿貴權初上東門院入內道長乞一時

名流作和歌屏風中納言藤原公任為選首華山法皇亦

有御製實資時為大納言獨拒之曰安有官列上達部而

為女御資裝者耶小右記嘗移居新第適失火眾皆來救實

資止之徐駕車而出人服其曠達十訓抄其日錄曰小右記

本朝書籍目錄 ○二月太政官朝所火中右記 ○二年丁亥冬十二月

筑前人守武坐私往宋流于佐渡百鍊抄 ○五年庚寅春正月

流大和守源賴親於土佐賴房於隱岐先是賴親訴興福

寺僧徒不法僧徒怒攻其館賴親父子防戰多殺傷僧徒

訴之故有此命扶桑略記 ○天喜元年癸巳秋七月徙御關白賴

小右記成

天喜元年

賀陽院火

安倍賴時叛

通賀陽院第 ○二年甲午春正月賀陽院火徙御冷泉院榮花

物語 ○四年丙申秋八月陸奧酋長安倍賴時反勅陸奧守兼

鎮守府將軍源賴義討之帝王編 賴時自父祖世為酋長

至賴時略有六郡陸奧話記 據衣川擅海利不輸貢賦時出兵

侵掠國守不能制朝議以賴義賴信子得東人心乃命此

任扶桑略記 會有大赦賴時大喜厚贈賴義賴義任滿將還

有夜斫屬將藤原光貞營者賴時子貞任嘗求婚光貞光

貞鄙之不許故報其怨也賴義令收貞任賴時乃閉關復

及其二壻藤原經清平承衡在官軍或言承衡貳賴義收

斬之經清不自安去歸賴時賴時益振陸奧話記 ○五年

丁酉秋九月賴義要擊誅賴時貞任勢猶張時歲荐飢賴義

貞任貞任藤原光

賴時伏誅

奏請輸兵食久之不至乞援於出羽守源兼長亦不敢出兵經清造私符徵諸郡兵食曰用白符勿用赤符赤符官符也國民靡從賊軍益張扶桑記○十一月賴義率兵千餘擊貞任於河崎時方大雪人馬凍飢貞任以選兵四千戰于烏海縱左右翼大敗官軍官軍所餘僅六騎虜急圍之矢下如雨賴義義家皆傷馬從騎下而授之義家與藤原範明等縱橫奮擊虜兵相警曰八幡太郎也遂解圍去義家賴義子初義家冠于八幡祠前因稱八幡太郎○十二月以源賴義復為陸奥守以源齊賴為出羽守共討貞任齊賴遷延無討賊心於是貞任益猖獗陸奥話記○康平元年戊春二月禁內火○二年己春正月一條院火徙御關白

康平元年
禁內火

賴通三條第畧記○是歲盜累行火皇居百鍊抄○三年秋八月賀陽院成徙御焉康平記○四年十二月關白賴通為太政大臣補任○五年壬寅秋九月賴通辭太政大臣屏居宇治不預機務以與東宮不協也今鏡愚管抄○安倍貞任伏誅先是以賴義任滿以高階經重為陸奥守兵民服賴義不受其節度經重乃歸賴義招致出羽曾清原光賴及武則得兵萬餘進攻賊小松柵拔之貞任來戰武則曰賊不固守困而出戰是我利也速戰破之乘勝衝其巢窟終斃貞任獲經清斬之賴義指經清首曰猶能用白符耶貞任弟宗任等率族出降餘黨悉平陸奥話記○六年癸卯二月賞源賴義清原武則等功賴義叙從四位下為伊豫守義家為

安倍貞任伏誅

治曆元年

從五位下陸奧守武則為從五位下鎮守府將軍其餘各有差○七年甲辰春三月伊豫守源賴義以降虜至京師百鍊抄賴義東征九年平賊至是始歸京師是謂前九年之役

○治曆元年丁未冬十二月賴通罷關白特勅咨詢政事一要記○四年戊申夏四月以左大臣藤原教通為關白補任○是月帝崩壽四十四火葬船岡西北野藏御骨于山城圓教寺百鍊抄扶桑畧記

紀元一千七百二十九年

即位

即位官廳之始

後三條天皇諱尊仁後朱雀帝第二子也母陽明門院三條帝之女百鍊抄今鏡治曆四年秋七月即位於太政官廳扶桑畧記即位官廳始于此一要記初後朱雀帝殊愛天皇立為後冷泉儲貳尚方有壺切劍例傳東宮賴通不肯曰雖為太子

延久元年

置記錄所

定絹布制

定沽價法
定斗升法

自非藤原氏出不可得也帝聞之曰吾何用此一劍為江談抄及即位後教通上之續占事談○延久元年己酉春二月教寬德二年以後新置莊園一切罷之雖在二年前券契不明妨國務者宜停止焉百鍊抄○閏十月始置記錄所於太政官朝所時權貴多占莊園為民蠹害帝命其家各上契券置記錄所檢覈虛實○二年庚戌春二月定絹布制○禁中火主殿寮屬撲滅之扶桑畧記○三月以關白教通為太政大臣補任○三年辛亥秋八月關白教通罷太政大臣補任○四年壬子八月定沽價法百鍊抄○九月定斗升法扶桑畧記帝欲審量制令藏人頭藤原資仲督作之帝親抽簾竹截為之準及成使小舍人量殿庭沙試之然後資仲取

皇綱再張

穀倉院米量之後世遵用。謂之宜旨升。恩管抄○十二月帝不豫讓位於皇太子。一代要記○五年四月薙髮法名金剛行。榮花物語抄帝剛健嚴明不受牽制。榮花物語勵精圖治躬親機務。續往生傳在儲位見藤原氏擅權心甚不平。又數錄事積怨賴通而含忍不發及即位痛抑其權奪之政柄賴通退居宇治。憚帝威嚴歛藏蹤跡教通雖居台輔備員而已。恩管抄榮花物語自是皇綱再張群下肅然帝欲禪位居院決政而未幾而崩。恩管抄賴通嘆曰帝而早世邦家不幸莫甚於斯。古事談大江匡房稱帝治可比隆於承和延喜也。續往生傳火葬神樂岡南藏御骨于禪林寺置國忌于山城圓宗寺。中右記一代要記

紀元一千七百三十三年
即位
承保二年

白河天皇諱貞仁後三條帝長子也母贈皇后藤原氏中納言公成之女冬十二月即位。扶桑略記○承保二年乙卯秋九月

關白教通薨。水左記○冬十月以左大臣藤原師賢為關白。百鍊抄○三年丙辰冬十月行幸大井川泛詩歌管絃三舟。

令諸臣各隨其能分乘源經信後而至曰三舟不敢擇乞

因便被乘人歎其兼達。今鏡○承曆四年庚申春賀陽高倉三

條三官並火。百鍊抄○秋八月以內大臣藤原信長超拜太

政大臣。補任○永保元年辛酉冬十月幸石清水敕源義家等

扈從乘輿以備僧徒。水左記先是園城寺興延曆寺僧徒數

相攻鬪遣教使禁之不可故以義家等警護道途。扶桑略記古事

○二年壬戌秋七月大內火○應德元年甲辰夏造園城寺

大內火
應德元年

承曆四年
永保元年

後拾遺和歌集

金堂○三年丙寅秋七月興離宮於鳥羽課畿內七道徭役

穿池築山究極鉅麗扶桑○九月參議藤原通俊上後拾

遺和歌集本書序○冬十一月禪位於皇太子百鍊抄永長

元年八月落髮大治四年七月崩壽七十七帝性嚴而溫

雅頗有後三條帝之風鏡信賞必罰政出宸衷相門歛手

而愛憎任意授官任職率不遵舊典上万石万匹者輒得

為國司至有父子三四人同時並任童雅者亦得任焉在

院中猶聽政四十餘年刑賞黜陟莫不與聞凡以院宣號

令天下置別當北面始自此焉嘗因天下不如意者惟鴨

河水雙陸采山法師而已源平盛衰記火葬衣笠山東麓安御

骨於香隆寺中右記天承元年七月以遺詔藏鳥羽塔中百鍊

始置別當北面

紀元一千七百四十七年

即位

寬治元年

清原武衡反

堀河天皇諱善仁白河帝第二子也母中宮藤原氏關白師

實之養女恩管抄帝即位時甫八歲以關白師實攝政扶桑

○寬治元年丁卯冬十二月陸奧守源義家討出羽夷酋清

原武衡家衡平之中右記初清原武則以功拜鎮守將軍

生武貞武衡武貞為嗣生真衡真衡有異母弟家衡異父

弟清衡不圖以事相隙構兵及義家為守攻家衡不克叔父

武衡又援之據金澤柵義家將數万騎攻柵去柵數里望

見雁行亂曰是伏兵也縱兵搜索果獲麀之義家嘗過關

白賴通第談戰事大江匡房在別室聞之曰好男子惜未

知兵法從者微聞之愠告義家義家曰其或然見匡房出

設勇怯兩列勵戰士

禮之遂就學焉。至是謂衆曰：兵法言鳥亂者伏也，我不學則殆矣。著聞集遂進圍柵，相摸入。平景政挑戰，賊射中其右目。景政不拔箭而索射已者，終射殺之。會義家弟義光自京師來，義家大喜，戮力攻柵。柵固不拔，義家因會食，設勇怯兩列以勵戰士。義光臣腰季方無日不列，勇列也。吉彦秀武降在官軍，進說宜築長圍困之。義家從之，休戰既而柵中糧盡，火柵而遁。義家追擊獲武衡家衡，斬之，梟首其黨與四十八人。奧羽悉平。是謂後三年之役。後三年軍記

○三年己未夏四月攝政師實罷太政大臣。中右記○四年庚午冬十二月師實罷攝政為關白。任補

嘉保元年

康和元年
法親王之始

○五年壬午夏六月前陸奧守源義家與弟義綱構兵，詔諸國禁其兵士入京師。百鍊抄○嘉保元年甲戌春三月關白師實罷以內大臣藤原師通為關白。補任○二年乙亥冬十月延曆寺僧徒奉神輿詣闕，訴美濃守源義綱殺其徒。中務丞源賴治拒之，射殺神人。僧徒奉神輿而走。盛衰記○康和元年己卯春正月以仁和寺覺行為親王。法親王始于此。仁和寺御傳元亨釋書○夏六月關白師通薨。長秋記師通從大江匡房受學，務進材能，黜勢利。嘉保至康和朝綱稍正。至是患頭瘍，薨。師通不懌，上皇親政曰：豈有讓位之君而聚車於門者耶！上皇聞之頗自歛，及其薨無復憚意。今鏡○三年辛巳秋七月對馬守源義親劫掠鎮西，敕討之。○四年壬午冬流義親

長治二年

于隱岐義親義家子也。百鍊抄○長治二年丁亥秋七月帝崩

壽二十九。百鍊抄帝臨御日久而天下之事皆決上皇不復

攬乾綱。鏡今然留心政事諸司所奏夜必覆視有可疑者御

批再使商議。續古事談嘗謂左右曰普天之下皆王民也遠民

何踈近民何親一人之耳不得周聞四海之事是大患也

卿等有聞告而無隱。源平盛衰記時源俊房藤原通俊大江匡

房藤原季仲等在朝帝以為得人不愧古也。今鏡火葬香隆

寺。一代要記藏御骨於山城仁和寺圓融院。長秋記

鳥羽天皇諱宗仁堀河帝長子也母贈皇太后藤原氏贈太

政大臣實季之女。本朝世紀冬十二月即位於大極殿時年五

歲。中右記○以關白右大臣藤原忠實攝政。百鍊抄○天仁元

紀元一千七百六十八年
即位
天仁元年

年。戊子春正月隱岐流人源義親伏誅先是義親逃至出雲

殺目代掠官物敕因幡守平正盛討誅之。中右記○二年己丑

春二月左衛門尉源義忠為其從者所殺廷議疑美濃守

源義綱男義明等所為敕檢非違使源重時誅義明等義

綱亡據近江甲賀山遣源為義討之義綱降流之佐渡。百鍊抄

分脰抄算甲○天永三年壬辰冬十二月攝政忠實為太政大臣

補任補○永久元年癸巳夏四月延曆寺僧徒二千餘詣闕訴興

福寺不法使檢非違使源光國平正盛等拒之法皇諭僧

徒還山。長秋記自是二寺仇視將構兵相攻京師騷擾敕二

寺和解之僧徒不奉詔。中右記○攝政忠實罷太政大臣。補任

○興福寺僧數千將攻延曆寺遣檢非違使平正盛忠盛

天永三年
永久元年

禁僧徒帶兵仗

元承元年

保安二年

源氏始為太政大臣

等於宇治逆擊走之。中右記○十二月忠實改攝政為關白

一代要記○二年甲午秋七月院宣延曆寺禁僧徒帶兵仗。中右記

○四年丙申秋七月下新制七條。朝野群載○元承元年戊戌春正月

立女御藤原璋子為中宮。要記璋子大納言公實女。系圖

法皇取養於宮中遂私焉已而配帝生崇德帝帝以為非

己子故不慈。古事談○保安二年辛丑春正月關白忠實罷○

三月內大臣藤原忠通為關白。補任初忠實忤法皇旨不納

女於官而後悔之會法皇幸熊野帝敕忠實納女忠實喜

裝奩已備法皇還怒罷之忠實惧退居宇治杜門不出乃

以其子忠通代之。愚管抄○三年壬寅冬十二月以右大臣源

雅實為太政大臣。補任源氏拜是官始于此。職原抄○四年乙卯

春正月立顯仁親王為皇太子是日天皇禪位皇太子。百鍊

抄永治元年三月薙髮法名空覺。今鏡保元元年七月崩壽

五十四帝嘗受帝範於菅原在良又通天文涉覽古記博

通典故。台記好修容儀源有仁亦好修飾一時化風凡朝服

嚴稜烏帽有額皆始此時。神皇正統記又好色多內嬖。台前後

有三女院美福門院最被幸以所出體仁親王為崇德帝

儲嗣逼使讓位是為近衛帝及近衛帝升遐崇德上皇有

復位之志天皇與美福門院關白忠通謀立後白河帝以

其子守仁親王為皇太子於是崇德上皇大失望遂致保

元之亂。保元物語讓位之後凡三十四年決政院中二十

八年。今鏡故後世舉仙院典章稱白河鳥羽二帝。神皇正統記即

烏帽有額始此時

夜葬山城安樂壽院塔以擬山陵一代要記

崇德天皇諱顯仁鳥羽帝長子也母待賢門院藤原氏大納

紀元一千七百八十四年即位

天治元年

言公實之女中右記○二月天皇即位時年五歲崇德帝即位記

以關白左大臣忠通攝政補任○天治元年甲辰春閏二月帝

從法皇上皇幸法勝寺觀花後宮嬪御悉乘節車攝政忠

通太政大臣雅賢以下公卿扈從前驅後乘衣服綺靡究

極華美鏡今○秋七月太政大臣雅賢罷補任是歲法皇救前

木工頭源俊賴撰金葉和歌集○大治二年丁未源俊賴上

金葉和歌集八雲御抄○是歲僧良忍倡融通念佛宗尋建大

念佛寺於攝津平野諸宗開基表○三年戊申冬十二月攝政忠

通為太政大臣補任○四年己酉春三月山陽南海賊起法皇

大治二年

金葉和歌集成

僧覺鑊倡真言新義
長承元年

敕備前守平忠盛追捕朝野詳載○四月攝政忠通罷太政大

臣中右記○七月白河法皇崩自是上皇專理萬機一効法

皇保元物語○忠通改攝政為關白歷代皇紀○五年僧覺鑊倡真

言新義諸宗開基表○長承元年壬子春三月得長壽院成中右記

以平忠盛除但馬守聽昇殿先是忠盛事白河上皇上皇

有嬖姬居祇園祠傍嘗夜幸焉雨甚觀鬼髮如束鍼乍觀

乍失命忠盛射之忠盛捕而視之一老僧束麥稗以代笠

提火器行吹之曰將上燭于祠也上皇謂忠盛膽勇可倚

益有寵命董役役竣故賞之舉朝憎之耻與為伍謀乘間

刺殺之不果忠盛居伊賀伊勢之間為人眇一目因衆譏

曰伊勢瓶子酸瓮蓋國音瓶子通平氏酸瓮通眇也源平盛衰

保延元年

永治元年

上皇刺血書五部大乘經

○秋九月，上皇定新制十四條。中右○保延元年。卯夏

四月，敕備前守平忠盛討西國海賊。○秋八月，忠盛獲賊

三十餘人入京。長秋○五年。己未秋八月，立皇弟體仁親王

為皇太子。百鍊○永治元年。辛酉春三月，上皇薙髮。鏡○冬

十二月，天皇禪位于皇太弟。歷代帝雅無去位之意。法皇

寵美福門院，欲立其所生，故速禪位。鏡今法皇諭旨書，詔者

改皇太子為皇太弟。天皇大愕，曰：何遽如此也？須明日審

議。愚管抄時百官已就班待詔，出天皇奉書，法皇中使相

繼，法皇不從。及昏始傳劍璽。鏡以故，二官不協。保元元年

七月上，皇薙髮。後白河帝徙上皇於讚岐志度。保元上皇

刺血親書五部大乘經，三年而畢功，送之法親王覺性，請

藏安樂壽院。帝不許。上皇大恚，自齧舌出血，每軸書曰：願

為大魔王，惱亂天下。謹以五部大乘經迴向惡道。自是不

復剃髮剪爪，慘悴骨立，居常忿忿。源平盛衰記長寬二年

八月，崩于志度。年四十六。百鍊火葬於讚岐白峯。世稱讚

岐院。治承元年七月，詔更稱崇德院。玉爾後逆亂相繼，災

變荐至。世以為怨魂之所崇。壽永三年四月，後白河帝敕

立廟春日河原。古謂之粟田宮。建久四年，勅每歲八月遣

使祀焉。帝王編明治元年九月，勅遷祀今出川飛鳥井町。

稱白峯宮。太政官

近衛天皇諱體仁，鳥羽帝第八子也。母美福門院藤原氏贈

左大臣長實之女。愚管抄冬十二月，即位。時年三歲。以關白

紀元一千八百〇二年即

康治元年

忠通攝政代要鳥羽法皇聽政院中稱曰一院崇德上

天養元年

皇曰新院保元○康治元年壬戌春三月園城寺僧徒燒延

撰詞花和歌集

曆寺堂坊延曆寺僧徒擊却之台記○天養元年甲子六月上

久安五年

皇敕藤原顯輔撰詞花和歌集袋州○久安五年己巳十月

攝政忠通復為太政大臣○六年庚午三月忠通罷太政大

臣○八月右大臣藤原實行為太政大臣○十二月忠通

仁平元年

改攝政為關白補任○仁平元年辛未春正月左大臣藤原賴

長內覽太政官文書台記賴長忠通弟也父忠實欲使忠通

讓攝政於賴長而佗日及忠通之子又請之法皇忠通奏

賴長凶險不可忠實怒曰攝政朝廷所授氏長者吾所與

乃奪其所授朱器臺盤以授賴長又奪其邑獻之法皇因

忠實奪朱器臺盤

久壽二年

請使賴長領內覽愚管抄於是賴長得專政忠通備位而已

帝稍長親信忠通惡賴長然壓於法皇不得如意居常鬱

鬱積成疾保元○三年癸酉夏六月帝不豫兵範○秋九月

帝患目疾台記○久壽二年乙亥秋七月帝崩壽十七一代火

葬船岡山西野權藏御骨于知足院常行堂歷代長寬元

年十一月奉安御骨於鳥羽東殿美福門院塔百鍊

紀元一千八百十六年即

後白河天皇諱雅仁鳥羽帝第四子崇德帝同母弟也中右

久壽二年七月近衛帝崩無嗣崇德上皇以為重仁親王

當承統重仁上皇第一子也眾亦屬意美福門院謂上皇

呪詛近衛帝故不欲立重仁乃勸法皇與關白忠通議立

帝制下朝野愕然愚管抄○保元元年丙子秋七月鳥羽

保元元年

保元之亂

賴長呪咀國家

法皇崩百鍊抄時上皇入臨及門右衛門權佐藤原惟方稱遺詔拒而不納上皇大恚而還古事談抄謂左大臣賴長曰朕雖不德先帝之長子位忝萬乘尊居上皇皇統所繫非重仁而誰先帝捨之立非武非文之小子父子懷憂朝野失望朕欲乘此機而舉大事公意何如賴長贊成其事謀頗外泄朝野洶洶帝敕下野守源義朝檢非違使源義康警衛禁內遣檢非違使平基盛等近畿諸路捕兵士入京者平基盛獲大和人源親治繫西獄賴長使僧勝尊呪詛國家源義朝捕之廷議處賴長流上皇遷白河北殿保元物語帝使左衛門尉平信兼要賴長於櫃河愚管抄賴長間行入白河帝告急美福門院美福門院矯遺詔召安藝守平清

白河殿陷

盛自衛以皇居湫隘遷東三條殿帝親執劔璽御腰輿關白忠通以下文武諸臣從焉上皇召源為義辭強之乃率諸子至進策曰本宮垣溝單淺無地可據以寡兵保此非計也宜奉陛下南狩兵即不利遂奔關東其第八子為朝請曰即夜直襲大內火攻取帝奉上皇代居事可立定賴長皆不聽曰吾已約南都衆徒明日必來然後戰未為晚也為朝退竊罵曰唉長袖者惡知兵哉家兄有謀將出我所欲為僧兵寧可須也吾屬為虜耳家兄謂義朝也帝果使義朝清盛等率兵一千七百餘騎圍白河北殿時夜未明義朝縱火上風烟焰蔽宮官中大亂義朝等鼓譟而進白河殿陷上皇出奔不能跨馬藏人平信實累騎將東奔

賴長伏誅

扶掖至如意山上皇徒步傷足委頓揮諸將散之獨平家弘光弘不去及夜家弘父子肩負出京師無敢舍者入知足院僧房得粥進翌日薙髮至仁和寺不納事聞帝遣兵守之遂火上皇宮及賴長以下黨與十二第前關白忠實聞敗出奔南都賴長走中流矢扶上輿欲就忠實忠實拒之曰安有氏長者而死鋒鏑者吾不欲見此薄命兒乃斷舌死少納言藤原通憲獻策榜亂黨姓名朝堂各署流貶處所於是多出降者乃悉論死右大臣藤原雅實大納言藤原伊通等曰自弘仁誅藤原仲成未嘗加刑朝臣况在諒聞乎通憲曰非常之事且非常議之不可遺後患令重仁削髮流賴長諸子及其黨卿以上忠實以忠通奏請得

流上皇於讚岐

釋為義匿於義朝所清盛叔父右馬助平忠政亂黨也清盛素與有隙乃殺之以搖義朝帝果命義朝誅為義義朝請以己功贖之弗聽乃謀於其臣兼田政家政家曰齊死寧死於子手乃使政家誘殺流為朝於伊豆遂流上皇於讚岐過鳥羽欲拜辭山陵不許遣中原師信於南都發賴長墓檢其屍時以為淫刑是謂保元之亂○天皇還御高松殿復關白忠通氏長者以安藝守平清盛為播磨守下野守源義朝為左馬頭既而京師訛言平清盛源義朝將戰朝野騷擾保元物語○十月復置記錄所參決庶務今鏡○是歲救五畿七道造大內愚管抄○二年丁丑秋八月太政大臣實行罷右大臣藤原宗輔為太政大臣補任○十月大內成

復置記錄所

造大內

復內宴

徒御焉。百鍊抄初關白忠通請修宮室鳥羽上皇憚勞費不
 果。至是藤原通憲決議成之。殿堂門廡諸司八省踰年而
 成。詔復內宴。進造官諸國司七十二人位。帝王編年記○三年
 戊秋八月。帝讓位於皇太子。今嘉應元年六月。薙髮法名
 行真。百鍊抄建久三年三月。崩于六條殿。壽六十六。玉海天皇
 卽位之初。專任藤原通憲。造管大內。置記錄所。復內宴。相
 撲之儀。世傳稱之。今鏡去位之後。在院三十餘年。擁立五帝。
 而皆幼冲。舉措黜陟。如白河鳥羽二帝。神皇正統記然自是亂
 禍相踵。武臣專制。大權一去。不可復收焉。愚管抄葬于山城
 蓮華王院法華堂。王海一代要記

紀元一千八百十九年即

二條天皇諱守仁。後白河帝長子也。母贈皇太后藤原氏。大

位

平治元年

平治之亂

納言經實之女。今鏡十二月。天皇卽位。時年十六。歷代皇記○關
 白忠通罷。以右大臣藤原基實為關白。補任○平治元年。己卯
 冬十一月。右衛門督藤原信賴與左馬頭源義朝作亂。夜
 犯上皇三條殿。殺少納言藤原通憲。遂幽上皇及天皇於
 官中。天皇潛出宮。幸太宰大貳平清盛第。以其兵討賊。信
 賴伏誅。義朝東走。愚管抄初信賴為上皇所寵。恃勢驕肆。人
 呼曰。惡右衛門督。希望為大將。數請上皇。上皇以語通憲。
 通憲諫之。圖唐安祿山事跡。上之。信賴啣之。稱病不朝。信
 賴素善於中納言源師仲。就其第。講武事。通憲強幹有才
 學。自相有兵死法。或曰為僧。可免。遂削髮。曰信西。以上皇
 乳母子。親近用事。義朝嘗請與婚。鄙之不許。而為子娶清

盛女經宗惟方等皆嫉忌。惟方又與信賴有姻。遂相共謀除之。因引義朝爲黨。闕清盛赴熊野舉事。是日白虹貫日。通憲察將有亂。入奏之。上皇內宴。乃密告之。官女而出。奔大和。信賴等不知。以爲必侍宴。圍而焚之。不在。乃焚其第。遂幽上皇。遷天皇。使經宗惟方伺察動靜。自稱大臣大將。黨與皆授官。以義朝爲播磨守。獲通憲於石堂山。殺之。梟首。信賴居朝餉所。專決諸政。公卿以下俯伏陪位。獨藤原光賴不肯出。信賴矯詔大會公卿議事。光賴乃出。戒從者。有變以我首。免勿辱賊手。遂入曰。今日朝班何異。吾左衛門督也。因進坐。信賴上端笏。勵聲曰。聞今日有旨召百僚。不至有誅。抑所議何事。信賴俛首。衆皆屏息。光賴回視久。

之曰。無所議。則請退。乃出。召惟方及經宗。責以大義。歔歔流涕。使保護二宮。曰。平氏還力。能匡復。狂賊不能久也。惟方等悔悟。清盛還途。聞變欲避之。其子重盛奮決議。歸六波羅第。使人潛入。訶事。經宗惟方教帝。逃出。平氏兵迎路。入其第。公卿多踵至。上皇亦潛出。入仁和寺。信賴方醉卧。及醒。懊帳曰。惟方負我矣。先是義朝子義平勸信賴要清盛於安部野。信賴不從。至是清盛重盛等奉勅攻大內賊。樹白旗二十餘旒。守之。平氏兵望見。色動。重盛勵衆曰。年爲平治地。爲平安而我平氏也。天示占兆。獲勝必矣。汝輩努力。乃大呼排門而入。義平與鎌田政家等十六騎躍馬而出。指視其騎曰。赤甲而黃馬者。重盛也。宜生擒之。大戰。

重盛勵衆討賊

清盛怖倒蒙冒

藤原信賴伏誅

永曆元年

源義朝伏誅

紫宸殿前。七匝櫻橘樹。重盛且戰且卻。誘賊至其第。別遣兵入大內。賊進退失據。遂進攻六波羅。清盛聞義平至。大怖。失措。倒蒙冒。從者言之。清盛曰。帝在於後。不可背也。乃親突敵陣。自旦至哺。十餘合。源氏兵刀折矢盡。人馬皆傷。遂敗走。信賴初盛氣指揮。及聞敵呼。謀至。怖失色。不能騎。追及義朝於八瀨。呼請與偕。義朝怒。扶其面去。乃趨仁和寺。求哀上皇。上皇為請帝釋之。不報。平氏兵來捕誅之。遂囚其黨五十餘人。藤原成親以重盛姻。免死。其餘公卿七十餘人。貶官。是謂平治之亂。平治物語 百鍊抄 ○永曆元年庚申春正月。源義朝伏誅。初。義朝敗走。至尾張。投長田忠致。忠致鎌田政家妻父也。忠致待之甚厚。義朝將赴關東。忠致固

義平伏誅

一代后

留曰。適值歲首。請過三日。而發。義朝從之。忠致與其子景致謀。伏力士三人于浴室。而進浴。義朝求浴衣。不至。從者自出取之。力士乃入刺之。景致殺政家。獻其首于京師。賞為壹岐守。平氏臣家貞者。請斬之以懲不忠。不許。義平在。飛驒來屬者甚多。聞義朝死。皆散。義平欲自殺。念當報父仇。而死。乃變服入京師。終被縛。斬于六條。積義平臨刑。仰首。睨平氏第。曰。保元之亂。處斬以夜。今乃白日。斬我。平賊何無狀乎。嚮使。我言行。奴輩無遺類矣。遂被斬。年二十。平治

物語 ○立太皇太后藤原氏為皇后。后大納言公能女。近衛帝后也。帝聞其美。諭旨公能納之。群臣皆以為不可。上皇亦數為言。帝不聽。遂冊立之。世呼二代后。今鏡源平盛衰記 ○三

月流藤原經宗于阿波藤原惟方于長門恩管抄經宗以帝之舅惟方以乳母子親任用事上皇自仁和寺幸八條第時登棚閣以眺望一人矯詔以板蔽之上皇不悅二人謂帝當親政事不宜使上皇知焉上皇震怒召清盛曰朕之抑鬱由是二人合朕得甘心清盛欲殺之前關白忠通請而減死流之平治物語今鏡自是清盛威權漸熾顯官美職咸出其門神皇正統記○流源義朝于賴朝於伊豆帝王編年記賴朝從義朝東走路遇大雪相失為平宗清所虜至六波羅就斬宗清謂之曰欲活耶曰然父兄皆亡非吾誰祈其冥福宗清詰清盛繼母池尼尼問曰賴朝如何對曰肖右馬君右馬蓋尼之子發死者尼憫之為請免死流伊豆時人語曰

流源賴朝于伊豆

是猶放虎於野耳賴朝有六弟曰義門發死曰希義被虜流土佐曰範賴為藤原範秀所養今若乙若牛若三弟皆幼以母常盤殊色清盛納之因亦得免平治物語○七月太政大臣宗輔罷補任○八月左大臣藤原伊通為太政大臣山槐記伊通上疏言三事一曰用人材宜舍短取長二曰宿衛宜選材武不可備文具三曰君臣所學皆要濟時不宜徒事詩賦伊通見○應保二年壬午春三月召還流入藤原經宗百鍊抄○永萬元年乙酉春二月太政大臣伊通罷尋薨顯廣王記○六月帝不豫讓位於皇太子今鏡七月崩壽二十三顯廣王記帝性沈重不移今鏡政事一詢關白不使上皇與知焉百鍊抄由是二宮不協近臣用事者上皇逐之上皇嬖臣帝貶黜

太政大臣伊通上疏

應保二年

永萬元年

之放流相踵人懷危懼時論謂帝長於政事短於孝道火葬於香隆寺愚管抄嘉應二年五月藏御骨於山城葛野郡

三昧堂百鍊抄

紀元一千八百二十五年

六條天皇諱順仁二條帝第二子也百鍊抄母伊岐氏大藏少

輔兼盛之女紹運錄七月天皇即位時年二歲以關白藤原

基實攝政顯廣王補任記○八月葬二條天皇諸寺僧徒會葬揭

榜為班延曆寺班於興福寺上興福寺僧怒斫延曆寺榜

以辱之延曆寺僧徒戎服至清水寺火其堂宇以報之顯廣王記

京師流言上皇敕僧徒討平清盛清盛子弟會六波羅

聚兵自衛大內亦戒嚴上皇臨清盛第親諭之清盛稱疾

不見上皇還官謂侍臣曰浮言一出京師騷擾未審為此

僧徒爭班

仁安元年

言者誰也藤原師光進曰天不言令人言之驕而無禮者

天之所惡平氏其亡乎侍坐者皆箝默而罷盛衰記○仁安

元年丙戌春三月召還流人藤原惟方百鍊抄○秋七月攝政

基實薨以左大臣藤原基房攝政補任○十月立皇叔憲仁

親王為皇太子百鍊抄帝年僅三歲太子六歲時人議其彛

倫失叙盛衰記○二年丁亥春二月以內大臣平清盛為太政

大臣玉海○五月清盛罷太政大臣山槐記○三年戊子春二月

天皇禪位於皇太子玉海稱新院未加元服而稱太上天皇

者以帝為始愚昧記安元二年七月崩壽十三葬于山城清

閑寺明月記百鍊抄

高倉天皇諱憲仁後白河帝第四子也代母建春門院平

紀元一千八百二十八年

即位

嘉應元年

氏贈左大臣時信之女山三月天皇即位時年八歲百

抄○八月以內大臣藤原忠雅為太政大臣補○嘉應元

年己夏六月後白河上皇薨髮稱法皇兵先是平清盛

以病削髮曰淨海稱太政入道造西八條第究極土木又

興別莊于福原朝廷賞罰出其喜怒上皇積不能平削髮

歸佛盛○二年庚夏四月命伊豆介狩野茂光誅源為

朝于大嶋保為朝猿臂善射幼凌犯諸兄為義患之逐

之豐後曰鎮西八郎自稱西海總追捕使遂盡伏九國保

元之亂屬崇德上皇及上皇敗逃匿近江捕拔其臂筋流

于大嶋居五旬臂創悉愈曰天子賜大嶋遂並有傍五嶋

舊臣稍稍來附故討之或曰為朝射後茂光一艦逃入琉

討源為朝

舜天子

永安元年

宋明州刺史奉

球舜天子其子也○五月以陸奧人藤原秀衡為鎮守府

將軍藤原兼實歎曰以奧夷任此職可謂衰世之甚也玉

○六月太政大臣忠雅罷補○十二月攝政基房為太政

大臣玉○是歲權大納言平重盛次子資盛途遇攝政基

房不下車徑衝其衛從者呵辱清盛怒使武士覘基房出

毀其車傷從者重盛懼黜于其事者遂資盛於伊勢盛

○永安元年辛春二月攝政基房罷太政大臣上○二年

壬春二月立女御平德子為中宮德子清盛女也女○

九月宋明州刺史奉書及信物於法皇廷臣以為書辭無

禮當卻不聽海○十二月攝政基房為關白補○三年己

春三月法皇贈書及洙革沙金于宋宋復遣使來海○十

青盛築經島

源牛若東走

僧源空開淨土
宗
治承元年

月平清盛築經島於福原輪田泊帝王編○四年甲夏四年

月設藤花宴於勸學院使學生賦詩百鍊○源牛若與鐵

賈吉次東走至近江鏡驛自加首服名曰義經稱九郎初

義經入鞍馬寺師僧覺日名舍那王年十一見諸家系譜

自知其祖先悵恨久之自是晝讀書夜學劍為人短小精

悍面白齒出甚矯捷為眾僧所患苦師勸其削髮對曰二

兄為僧吾已耻之可復傲乎強之竟不聽時聞藤原秀衡

為鎮守府將軍欲往倚之適吉次詣山因語之以情吉次

曰事甚易於是與俱東平家物語遂赴陸奥依秀衡秀衡厚遇

之是歲僧源空始倡淨土宗諸宗開治承元年

春三月以內大臣藤原師長為太政大臣大納言平重盛

大內災

為內大臣海五○四月京師火延及大內大極殿八省院皆

燼仲資日記○六月清盛殺前左衛門尉藤原師光流權大納

言藤原成親於備前右近衛少將藤原成經檢非違使平

康賴法勝寺執行俊寬於鬼界嶋初成親有寵於法皇希

望大將而清盛超授于宗盛成親忿懣與康賴師光謀滅

平氏引藏人源行綱為黨會俊寬鹿谷別莊議事宴酣馬

逸坐者驚起誤仆瓶于成親曰平氏仆矣師光曰盍梟其

首康賴進曰梟首檢非違使之任也取瓶懸之柱上一座

大笑法皇欲臨之僧靜憲諫而止行綱惧事不成自首清

盛清盛聚兵六波羅第遣兵至法皇宮執師光訊鞠得狀

收成親遂欲取法皇幽之曰以輕躁之君御僥倖之臣何

藤原師光成親
等會鹿谷別莊

所底止重盛極諫不聽。重盛大徵兵，兵皆舍清盛歸。清盛乃止，欲殺成親。重盛為請，處流師光事。故少納言通憲以狡悍被信任，通憲薦為左衛門尉，及通憲被殺，削髮稱西光。又變於法皇，至是罵清盛死。清盛尋潛使人殺成親，自是法皇與清盛相猜忌。盛衰記平 ○二年，秋七月，召還流人藤原成經、平康賴。長門本平 ○十一月，以中宮臨產，免輕囚。○皇子言仁生，十二月立為皇太子。海 初中官有身，清盛希其生男，每月親禱嚴嶋祠，臨產法皇幸其第，為誦經，已而分娩，清盛喜極而哭，獻沙金千兩謝之。法皇擲之曰：「驗者視朕邪？」盛衰記 ○三年，己秋七月，前內大臣平重盛薨，年四十三。海 重盛資性忠恪，有度量，中外屬意時。

平重盛薨

醫至自宋

平清盛率兵入京師

清盛幽法皇

清盛驕侈益甚，重盛曰：「憂懼召子維盛飲之酒，令好以刀維盛意，是小鳥也。小鳥者，平氏傳家寶刀也。受而視之，乃無文刀，葬時所佩者，乃變於色。」重盛曰：「毋尤也。」使公令終吾將佩焉。今賜之女，女後當知之。五月，重盛造熊野祠，祈死歸，獲瘍疾，適有醫至自宋，清盛欲使治焉。重盛辭以失國體，且曰：「兒之獲疾，命也。遂不使治而薨。」○十一月，地大震，平清盛憾法皇，收重盛舊領，率兵至自福原。京師騷擾，法皇遣僧靜賢諭清盛，清盛不見。貶關白基房為大宰權帥，以右近衛中將藤原基通為內大臣，關白奪太政大臣。藤原師長、權大納言源資賢以下親近法皇者三十九人，官職流師長於尾張，資賢於丹波。幽法皇于鳥羽殿。玉海

記師長好音律嘗謂人曰觀舞聽樂知國之興亡近世妓

舞有白拍子其曲多商音亡國之音也人以為知言續古事談

○四年庚子春二月帝禪位於皇太子山槐自清盛跋扈法

皇幽閉帝常憂之久欲遜位嘗奉書法皇竊道其意法皇

慰諭懇止至是遂內禪盛衰養和元年正月崩年二十一

一代帝賢明仁孝愷不形色嘗愛紅樹命藤原信成守之

一日仕丁斫枝為薪以煖酒信成大驚叩頭請罪帝從容

曰詩云林間煖酒燒紅葉誰教仕丁作此風流無復所問

盛衰火葬山城東山清閑寺百鍊

安德天皇諱言仁高倉帝第一子也母建禮門院平氏太政

大臣清盛之女神皇正統記四月天皇即位時年三歲以關白

紀元一十八
百四十年即

源賴政起兵

內大臣基通攝政補任○五月前兵庫頭源賴政奉以仁王

起兵討清盛不克王後白河法皇第二子幼敏慧以母賤

未得為親王居高倉宮有善相者曰王後必升大位賴政

平治中拔宗族歸順位不滿其望其子仲綱有名馬宗盛

強借之而不還大會客而出其馬烙記仲綱二字曰騎仲

綱曰鞭仲綱仲綱與父言而憤之賴政勸王潛下令東國

發源氏所在源氏響應清盛大驚奏削王屬籍遣兵圍其

第賴政已使王逃之園城寺牒延曆興福二寺為援清盛

以米二萬石絹三千匹啗延曆寺延曆寺背約賴政即夜

欲直襲六波羅僧徒通欵平氏者發異議沮之大已曙賴

政奉王奔南都王以徹夜不寢比至菟道凡六墜馬乃據

以仁王下令東國

鷓鴣官屋

清盛遷都福原

牢御所

源賴朝起兵

平等院徹橋而軍。清盛遣藏人頭平重衡、右近衛少將平維盛等將兵二萬餘進擊之。戰于宇治河。以仁王源賴政敗死。山槐記賴政天資英敏，有武略，善射。嘗夜有鷓鴣官屋上，帝命賴政射之。一發中之。帝及侍臣皆嘆賞焉。十訓抄

○六月，清盛遷都攝津福原。玉海以舊京逼於延曆興福二寺，數蠢動避之也。保曆間記時宮殿未就，奉帝于弟賴盛第。為官。先是以宗盛請迎法皇於八條烏丸，稍釋其防。及有以仁王事，又幽之福原板屋三間。曆日二次，人呼曰牢御所。盛衰記○八月，流人源賴朝奉以仁王合起兵。伊豆殺目代平兼隆相摸人大庭景親率兵三千與賴朝戰于石橋山。敗之。先是賴朝倚北條時政時政器之妻以其女政子至。

源義重起兵

源義仲起兵

討賴朝

是賴朝遣時政於甲斐發諸源。東鑑○源義重起兵上野。據寺尾城。義重義家孫也。平家物語○九月，源義仲奉以仁王合起兵。信濃應賴朝。義仲為義孫。義賢子也。義賢與姪義平私鬪，見殺。義仲匿于木曾。曰：木曾冠者，賴朝徇上總下總武藏相摸悉下之。據鎌倉聲勢日熾。○敕右近衛權少將平維盛薩摩守平忠度參河守平知度等將兵五千餘發東海東山二道兵討賴朝。玉海山棟記○十月，維盛等進軍富士川。賴朝逆至黃瀨川。維盛兵潰走。初清盛要上皇請討賴朝。宣旨又屏人請其誓書，不與。源氏宗盛進紙筆。清盛耳語令書。後上皇與侍臣語，飲泣。忠度等欲進踰足柄山。部將藤原忠清曰：駿河伊豆兵未來，附踰險逢敵，非計。不

富士川之後

如沮富士川行敵，維盛從之。平家賴朝以大兵來，號二十
 方夾河陣，令族武田信義以甲斐兵，遠出平氏後，會鵜鴨
 群飛，維盛軍以為敵至，人馬相蹈籍而走。賴朝欲追擊，遂
 西以關東諸豪有窺其後，以信義守駿河，安田義定守遠
 江，而退。源義經率佐藤嗣信、忠信等二十餘騎來會賴朝
 于浮嶋原。賴朝大喜曰：吾得見子，猶見先君也。兄弟相對
 感泣。盛衰記賴朝發府鎌倉，遷祀鶴岡宮于小林鄉。初
 賴義討安倍貞任也，創八幡社於由比鄉。至是賴朝移建
 焉。崇奉甚至。東鑑十一月，平維盛等還京師。近江以東
 諸源蠶起。皇代新都宮成，徙御馬。無幾清盛奉帝復
 舊都時，福原第多恠，占者曰：死平治亂者為崇。清盛會公

賴朝赴府鎌倉

清盛奉帝復舊都

養和元年

卿議兩都利害，公卿皆希其旨。盛稱新都利，獨左大辨藤
 原長方極言其不便，衆為危之。清盛默然，遂促駕復關。人
 以問長方，長方曰：彼萌悔心，故咨吾因而導之耳。盛衰先
 是長方從容說清盛曰：亂人得志，皆公歐之使然也。宜復
 政於法皇，召還基房師長等，以收人心。聞者皆失色。清盛
 意頗悟。著聞集十二月，法皇徙御平賴盛第，與上皇同居。
 清盛不復禁近臣入侍，獻美濃讚岐，請聽政如故。玉海召
 還前關白基房。山槐記分遣左兵衛督平知盛等討東國
 諸源，又遣平重衡將兵數千討興福東大、二寺，重衡縱火
 燒之。東鏡盛衰記養和元年辛丑春正月，源行家將兵數千入
 尾張，遣平知盛通盛、清經等討破之。盛衰源義基據河

平清盛薨

內應賴朝遣源季貞等討斬之。東鑑○尾形惟義起兵筑紫河野通信起兵伊豫並應賴朝。平家物語○閏月前太政大臣平清盛薨先是平宗盛奉院宣將赴東國未發會清盛病煩熱浴於冷水水輒沸叫號聲徹門外舉族擁枕清盛自知不可起遺戒子弟曰吾死之後毋以供佛為母以誦經為特斬賴朝頭懸我墓前謹服吾言勿敢或怠遺表法皇曰凡事皆與宗盛議既而薨清盛自左衛門尉至太政大臣同姓為公卿者十六人得昇殿者三十餘人為衛府國司者六十餘人其采地半海內衣冠華美一時慕尚稱六波羅樣嘗有織巢厩馬尾占者曰小侵大子犯午為源逼平之兆也後果如其言。盛衰記○法皇遷法住寺殿。玉海

洲股川之役

壽永二年

賴朝義仲講和

三月平重衡等與源行家戰于洲股河大敗之斬僧義圓義圓行家子也。盛衰記行家走依賴朝請分領一州以復成軍不答乃附義仲先是志太義廣聚兵常陸來見賴朝不禮怒還將攻賴朝敗走亦附義仲行家義廣皆賴朝叔父也。東鑑○六月平宗盛令越後人城資承將兵六万討源義仲義仲逆擊大敗之。玉海○八月以藤原秀衡為陸奥守城資承為越後守討源賴朝義仲。吉記○九月平通盛與義仲戰越前大敗退據敦賀城請益兵遣平行盛等率兵數千援之義仲來攻乃解兵西還。百鍊抄○壽永二年癸卯春三月賴朝率兵十萬擊義仲義仲避之越後賴朝自碓氷嶺引還徵義仲質義仲遣其子義高為質。盛衰記○四月遣平維

後原之役

盛通盛等六將將兵十萬北擊義仲拔燧城復越前加賀五月維盛分兵三方向志雄山親將兵七方向礪竝山義仲擊大破之平知度館貞康以下死者五萬餘人維盛僅收餘衆奔加賀保曆間記○六月維盛通盛等與義仲戰于後原敗績逃歸海玉齋藤實盛等死之初實盛見宗盛曰越前臣鄉也古曰衣錦歸鄉臣受君恩久矣今老矣唯有一死以報君君盍賜錦直垂臣衣以歸死有餘榮宗盛憫之如其言至是實盛獨留戰敵將手塚光盛呼問其名實盛曰女斬我首獻木曾公公知我也進薄光盛光盛刺之獻頭於義仲告其狀義仲曰莫乃實盛乎吾知其年高今其髮黑者何或曰實盛嘗曰白頭從軍吾將涅我髮否則

義仲據叡山

平氏奉乘輿奔筑紫

難以伍壯者矣蓋踐其言也命洗其頭頭髮皆白義仲悲慟收尸葬之盛衰記○七月義仲與行家將兵自東山北陸二道並進據叡山法皇逃幸延曆寺宗盛奉帝及建禮門院擁神器奔筑紫法皇還御法住寺殿義仲行家入京師以義仲為左馬頭兼越前守行家為備前守敕討平氏削平氏二百餘人官爵海玉○法皇以京師無主立皇孫尊成踐祚先是法皇敕平時忠諭宗盛等還帝于京師宗盛不奉詔乃會公卿議右大臣藤原兼實上言京師無主四方觀望平氏挾乘輿吾討之無名宜更立新主以繫臣民心祖宗制無劍璽不得即位然繼體天皇即位以前稱踐祚及得劍璽乃即位今宜據此例法皇從之乃議所立義仲

京師立新主

車駕至太宰府

義仲授掠京畿

復賴朝本官

稱以仁王功曰王憤陛下幽厄唱義殺身臣等奉其令以有今日立王子北陸宮庶幾副天下之望耳或議其嘗為僧不可高倉帝有二子叔五歲季四歲召見之覺季可愛命卜之叔吉法皇寵姬丹波局勸立季即皇孫尊成也海玉

盛衰 ○八月車駕至太宰府 ○九月尾形惟義叛犯太宰府宗盛奉帝至讚岐造行宮於屋嶋阿波人田口成良將一千餘騎來屬南海將士悉應之遂復南海山陽十四國保曆間記

盛衰記 ○法皇敕義仲西伐義仲以糧乏遷延未發縱士卒侵掠京畿法皇稍厭苦之欲引賴朝除之義仲微聞之不懌率兵至備中海玉 ○十月敕復源賴朝本官右兵衛佐百鍊抄 ○閏十月平重衡通盛等將兵七千戰艦二百與

義仲叛國法住寺殿

義仲將足利義清高梨高信海野幸廣等戰于水嶋斬之平家物語 義仲欲進攻屋嶋時賴朝遣兵以二弟範賴義經將之護貢賦入京師義仲聞之引還法皇敕止之不奉敕東鑑

○十一月源行家與平教盛重衡戰于室山敗奔和泉東鑑

記 ○法皇命檢非違使平知康欲使延曆圍城二寺僧徒討義仲右大臣兼實諫止之且請諭賴朝減兵以釋義仲之疑法皇不聽義仲舉兵圍法住寺殿縱火燒之知康敗走義仲遷新帝于閑院法皇于攝政基通第乞討賴朝宣旨許之尋請罷基道攝政以其妻兄藤原師家代之奪公卿四十餘人官爵海玉 義仲遣使平氏欲與連和以拒賴朝貽書屋嶋言其意宗盛欲許之知盛曰義仲使我至此極

我乃與之和恐賴朝之笑我也。公宜答曰：天子在焉，女免。曹弛弓自來乞降，吾則許之。宗盛從之。平家語 ○三年甲辰

義仲為征夷大將軍

曆元 春正月，天皇在屋嶋，罷朝拜諸節會。平家語 法皇以源

義仲為征夷大將軍。東鑑 ○賴朝所遣二弟範賴、義經將兵

六萬分道並進。義仲使今井兼平根井行親等撤宇治勢

多二橋拒之。義經至宇治，火廬舍以布陣焉。起櫓自登，具

筆硯書將士功最。曰：將以報鎌倉也。將士皆欲戰。又令曰：

勇士緣橋架防敵。平山季重等上架射，有二騎鞭馬亂流

而進。先者梶原景季，次者佐佐木高綱。高綱自後給景季

曰：馬條慢矣。景季駐馬約條。高綱超乘而過。上岸自名。景

季踵上。義經上功簿。高綱為先登第一，景季為第二。畠山

宇治川之戰

義仲死

重忠率手兵五百踵渡，揮刀而進。北兵辟易。義經以全軍渡，擊大破之。義仲又以三百騎進，冒東軍與義經遇。義經以數百騎攢蹄衝突，因亂射之。義仲大敗，被創走。範賴亦濟供御瀨，兩軍合勢追擊。義仲殘兵十三騎，且戰且退。義仲妾曰巴美，而勇悍善戰。畠山重忠欲生獲之，迫攫其甲袖。巴策馬躍，袖絕重忠舍之，還遠江。人內田家吉，膂力絕人，與巴接馬相搏。巴直捉其首，斷之，視義仲。義仲歎曰：家吉美而勇，乃授首於女子。不知吾亦終死何人手也。因諭巴遁去。巴請共死，義仲強之。巴乃泣涕而去。義仲走至粟津，馬陷于淖，箭中額死。年三十一。巴時年二十八。削髮為尼，祈義仲冥福。以終身云。義仲子義高在鎌倉。賴朝嘗

車駕還幸福原宮

一谷之戰

以其女妻之。及義仲敗，義高出奔。賴朝追捕殺之。其妻哀不食欲更嫁之，不聽。終以憂死。平家物語 ○平宗盛奉遷帝于福原宮，築城據之。生田為東門，一谷為西門。兵勢大振。愚管抄 ○二月，法皇遣源範賴、義經討平氏。義經至三草山，襲左近衛中將平資盛。資盛敗走，遂與範賴犯一谷官軍大敗。平重衡就虜，平通盛、忠度、知章、師盛、經正、經俊、業盛、敦盛、清定、清房、盛俊等死之。天皇御船遷屋嶋。東鑑 初，範賴以五萬騎向東門，柘原景時監軍焉。義經以萬騎向西門，使監軍土岐實平赴之。而自將精兵三千向鵜越。鵜越者，城後間道也。日暮，駐軍得鷲尾經春為鄉導，問鵜越如何。經春曰：太險，人馬不可行。唯鹿能踰之。義經曰：鹿四足

京師改元元曆

新主即位

馬四足等耳。先衆馳之。至鵜越，則天明。類視城中，二門戰方酣。義經欲急應之，試驅鞍馬，二下之一傷。一達，義經曰：可下矣。乃一鞭而下。三千騎皆倣之，直達城後。大呼而入。平氏軍駭擾，自相擊刺。義經縱火乘之，烟焰漲天。範賴實平破東西門而入，三面合擊，城卒陷。盛衰記 ○四月，京師改元元曆。海玉 ○檻致平重衡于鎌倉。賴朝厚待之，使千壽伊王二姬侍焉。平家物語 ○六月，法皇復平賴盛及光盛官爵。賴朝致書招賴盛及平宗清。賴盛乃語宗清欲與俱。宗清曰：君將兵征討，臣敢不前驅。今平氏覆敗，闔族流離而挾舊東行，獨不愧于心乎？辭不往。賴盛至鎌倉，賴朝厚遇之。遂奏復其官爵。東鑑 ○秋七月，新帝即位。太政官廳。海玉 初，法皇

源義經為左衛門尉

置公文所

置問注所

使重衡作書喻宗盛奉還帝及神器宗盛等不聽盛衰大臣兼實上言曰祖宗之約必傳劍璽無劍璽而即位未曾有也臣恐後世啓僭亂非獨傷國體也玉海○八月法皇以源義經任左衛門尉補檢非違使玉海尋叙從五位下聽昇殿先是賴朝奏範賴為參河守而忌義經功不奏至是朝廷賞其功賴朝益忌之東鑑○九月遣參河守源範賴為追討使討平氏抄○是歲賴朝置公文所以大江廣元充別當置問注所以三善康信為執事廣元匡房曾孫也東鑑○四年治元年○文正月範賴留部將三浦義澄守赤間關濟海入豐後平家物語○二月義經奉法皇宣旨至尼子浦虜守將田口良連進攻勝浦櫻間良遠棄城走盛衰初

義經治舟師

義經治舟師於渡邊福嶋東兵不習水戰人人自危梶原景時曰請設逆櫓義經曰何謂逆櫓曰舳艫皆設櫓進以舳退以艫義經曰求進而退兵之通患乃欲求退乎曰且進而退良將也有進而無退野猪而介者也義經作色曰豨耶鹿耶吾不自知吾唯知穢敵為快而已公若為大將逆櫓千萬聽公所為若義經則不欲也景時慙恚即夜義經解纜時大風篙師皆止之義經曰兵法襲敵不虞今日彼必無備敢諫者斬篙師相謂曰行死止死死一耳乃發從者五艦百五十騎乘暗而南舟駛如箭黎明達尼子浦上岸大戰擒敵將田口良連進攻屋嶋宗盛奉乘輿浮海避之義經放火行官能登守平教經迫岸射義經佐藤嗣

佐藤嗣信死

那須宗高射扇

信以身蔽義經應弦殪。教經豎菊王欲斬其首嗣信弟忠
 信射殺菊王扶兄還營。是日平軍以小舟載美姬挿扇于
 竿植之舳去陸五十步揮而請射。義經召那須宗高命之
 宗高騎而獨出一發中扇輟扇翻而墜兩軍大呼宗盛奉
 帝次志渡義經犯之宗盛等奉帝奔引嶋。盛衰記 ○三月
 義經追擊大戰于壇浦田口成良降義經前內大臣宗盛
 權大納言平時忠右衛門督平清宗等被虜能登守教經
 不勝悲憤欲與義經決死免胄撒鎧袖躍入其舩敵兵遮
 鬪輒搏仆之直逼義經義經躍入別舟東軍有安藝家村
 力兼三十人率二力士進當教經教經蹴仆其一人挾二
 人投海中納言平教盛權中納言平知盛參議平經盛右

壇浦之戰

二位尼時子抱
帝而投海

紀元一十八
百四十四年
即位

文治元年

後

近衛中將平資盛左近衛少將平有盛左馬頭平行盛等
 皆戰死二位尼時子抱帝挾劍墮投海帝崩時年八歲太
 后亦投海渡部昵以鐵搭鈎之送義經舩神璽亦出片岡
 經春收之。玉海東鑑 文治三年夏四月奉謚曰安德天皇
平家物語 建久二年救長門建阿彌陀堂薦天皇冥福。玉海
 後鳥羽天皇諱尊成高倉帝第四子也母七條院藤原氏修
 理太夫信隆之女。增鏡 壽永二年七月平宗盛奉養和帝及
 神器走西海八月法皇立帝為皇太子即日踐祚於閑院
 海不傳劍璽而踐祚古來所無也。盛衰 元曆元年七月即
 位於太政官廳時年五歲。山棟 ○文治元年己春三月源
 義經大敗平氏於壇浦養和帝投海而崩。東鑑 ○夏四月義

神鏡墜入京師

經奉建禮門院及鏡墜入京師。遣權中納言藤原經房參議藤原泰通等迎神鏡神墜於鳥羽。移於太政官朝所。

○源賴朝以勲平氏功超叙從二位。東鑑○五月遣義經鑑

平宗盛清宗等赴鎌倉。吉記義經在西海也。不循賴朝節度。

梶原景時又譖之。賴朝賴朝於是不聽其入鎌倉。義經留

腰越驛上疏陳情。賴朝竟不見。東鑑○六月斬平宗盛清宗

等。初宗盛至鎌倉。賴朝坐簾內隔庭見宗盛。宗盛備伏請

宥死。賴朝指魚于俎加刀馬示之。諷使自殺。宗盛不曉其

意。乃復令義經護送西還。義經至篠原使宗盛父子七迎

義朝墓而斬之。梟首京師。○斬平重衡梟首於奈良。東鑑○

八月以源義經任伊豫守兼院厩別當。義經薄其賞。益怨

斬平宗盛清宗

土佐坊昌俊襲義經

賴朝。盛衰記源行家亦與賴朝不協。密相往來。東鑑○十月賴

朝遣土佐房昌俊于京師襲義經堀川第。義經捕斬之。義

經詣法皇宮。迫請討賴朝之詔。聽之。右大臣藤原兼實議

曰。追討之救不宜輕下。宜救賴朝曰。義經有罪。則當致之。

鎌倉。誅之。否則釋。繼芥之憾。全懿親之恩。戒救如此。而賴

朝不奉詔。則處之違救。以聲其罪。恩威並行。國憲益張矣。

法皇不聽。遂下院宣。○十一月賴朝聞之。發兵西上。義經

行家逃走。賴朝還鎌倉。東鑑賴朝遣北條時政護衛京師。因

奏請曰。行家義經逃亡。難輒搜捕。若發兵捕之。則其費不

貲。諸國置守護莊園。置地頭。所在逮捕。則可不勞而自定

矣。常賦之外。每段取米五升。充兵糧。救許之。自是兵權一

置諸國守護地頭兵權一歸賴朝

歸賴朝東鑑盛 ○十二月大藏卿高階泰經刑部卿藤原

賴經等坐黨源義經行家奪官尋被流東鑑 ○二年丙春三

月攝政基通罷以右大臣藤原兼實攝政補 ○五月比條

時定捕行家於和泉斬之并其子光家傳首鎌倉東鑑 ○七

月義經妾靜生男賴朝命安達清經沈之由比浦初靜從

義經匿吉野義經諭之訣別使僕齋資送歸京師僕奪其

資去僧捕靜致之鎌倉賴朝詰義經所在靜固陳不知以

其有姪留之賴朝夫人政子聞其善歌舞欲一見靜固辭

強之再三乃起整衣而進唱離別曲又作歌言慕義經意

衆皆垂淚一日梶原景茂醉挑靜靜怒而泣曰吾曾侍豫

州豫州非鎌倉公親弟哉乃公家人何遇吾亡狀使公而

靜生男

千載和歌集成

全友道女欲識我面得乎景茂大慙已而分身靜見放還

盛衰 ○三年丁未春二月復置記錄所海 ○七月遣使長門

求寶劍於海中百鍊抄 ○九月皇太后官大夫藤原俊成上

千載和歌集本集 ○四年戊申春二月賴朝奏陸奧押領使

藤原泰衡舍匿義經請救泰衡誅之奏可泰衡秀衡子先

是秀衡卒遺囑舉國聽於義經以抗賴朝故泰衡得此命

○五月賴朝遣藤原信房天野遠景擊鬼界嶋平之○五

年己酉二月救賴朝修大內東鑑 ○閏四月藤原泰衡遣兵襲

義經義經自殺函其首送鎌倉盛衰 ○七月賴朝大徵兵

奏藤原泰衡久庇亂人請討之朝議未許賴朝東下分軍

三道並進八月擊泰衡庶兄國衡斬之進至平泉泰衡火

泰衡襲義經

或曰義經不死
走入韃靼清主
即其裔也

建久元年

僧西行卒

城而逃。九月，泰衡部將河田二郎斬泰衡，以降賴朝。讓其不忠，斬之。敕書至，賴朝留葛西清重、鎮陸奧。凡政皆遵秀衡舊制，毋有變更。東鑑 ○十二月，攝政兼實為太政大臣。資仲

王記 ○建久元年庚戌春正月，帝加元服於紫宸殿。秘訓抄 先是寶劍沉海，至是以書御座劍代之。玉海 ○三月，攝政兼實罷太政大臣。神任 ○十一月，賴朝入朝，授權大納言，兼右近衛大將。玉海 ○十二月，賴朝上表辭職，尋還鎌倉。東鑑 ○是歲僧西行卒。後成家集 西行姓藤原，本名義清。系圖 義清博通兵書，精射，好和歌，為鳥羽上皇宮北面士，任左衛門尉，有寵。而有遁世之志。一日決志陳情辭官，還家削髮，改名西行。年二十三。台記 遂周遊海內，詠歌自娛。賴朝途見西行，延見問

改公文所日政所

僧榮西倡臨濟宗

兵略。西行曰：棄世以來，家世所傳悉皆焚之。然亦不甚拒為。賴朝談兵一夕，及且辭去。賴朝固留不可，乃遣以銀猫受而出。適見兒童，便與之去。西行物語 ○二年辛亥春正月，賴朝改公文所曰政所。東鑑 ○三月，內大臣藤原兼房為太政大臣。神任 ○五月，殺左兵衛尉佐佐木定重，梟首唐崎。東鑑 定重父定綱為近江守護，佐佐木莊租充延曆寺僧料。歲飢，多連僧徒督責，壞定綱家，放火民家，定重拒之，傷其二人。僧徒守闕訴之，朝議流定綱父子。僧未慊意，固請誅之。玉海 ○十一月，攝政兼實為關白。神任 ○是歲僧榮西始倡臨濟宗。諸宗開基表 ○三年壬子春正月，賴朝創永福寺於鎌倉，平氏遺臣藤原忠光雜役徒，欲刺賴朝，嵌魚鱗十眼，以為眇荷畚

賴朝為征夷大將軍

獵富士野

賴朝殺範賴

出入賴朝見而怪執之懷匕首曰欲為故主復仇乃斬之
 ○三月法皇崩玉○七月源賴朝為征夷大將軍東自是
 罷鎮守府將軍職原抄○四年癸丑夏五月賴朝大獵富士野
 關東將士悉會獵罷將還伊東祐成與弟時致夜入工藤
 祐經營所殺之會雷雨士卒出鬪多死者遂斬祐成時致
 犯幕被捕且日賴朝親詰之蓋祐成父祐泰嘗為祐經所
 殺奪其曾我莊故復仇也賴朝問何犯吾幕曰吾祖祐親
 將軍仇之吾仇祐經將軍罷之吾是以怨焉賴朝壯之思
 宥其死祐經子哀訴乃處斬時祐成年二十二時致二十
 祐成有妾曰虎大磯倡也及祐成死為尼終身曾我物語○秋
 八月賴朝殺弟參河守範賴富士野之獵錄倉訛傳賴朝

慶東大寺

平氏餘黨悉平

遭害政子驚泣範賴時留守慰安之曰範賴在焉賴朝聞
 而惡之保曆間記拘範賴于伊豆修禪寺終殺之八坂本平家物語○
 六年乙卯春三月源賴朝入朝遂奉車駕慶東大寺藤原景
 清雜衆中欲刺之事覺被捕景清忠光弟也玉海○七月
 平賀義信為武藏地頭有政績賴朝加褒賞且榜其廳曰
 凡任民牧者當以義信為法義信源義光孫也東鑑○七年
 丙辰夏六月平知忠作亂將襲藤原能保明月記能保遣兵圍
 知忠知忠自殺知忠知盛子也先是平氏遺臣平忠房盛
 嗣等潛匿各處圖殺賴朝事皆不成相繼禽殺至是餘黨
 悉平保曆間記○十一月關白兼實能以前攝政基通為關白
 任神○十二月太政大臣兼房罷三長記○九年戊午春正月帝

禪位於皇太子。見沙門堂所藏記時帝年未滿二十。諸皇子幼冲。

施為不得如意。遂有脫屣之志。增權大納言源通親贊成。

之帝意乃決。愚管抄然聽斷機務。一如在位二十餘年。增承

久三年七月薙髮法名良然。皇胤紹運錄未幾北條義時遷帝

於隱岐。承久記延應元年二月崩于隱岐。年六十。帝敏慧多

能最妙和歌。又善相劍。增每造刀親淬之。世謂御所鍛多

賜武人佩之。承久記有膂力好武技。著聞集最善弓馬。六代勝事記

始置西面以配北面。命關東選貢練達射藝材力絕倫者。

承久記帝在位日憤王室陵替。有恢復之志。嘗作歌寓意而

志業不就。遂遭播遷之禍矣。增火葬於苜田山中。增藤原

能茂收御骨還京師。藏大原西林院。一代要記仁治二年二月

始置西面

紀元一千八百五十九年即位

正治元年

征夷大將軍賴朝薨

北條時政執政

造法華堂于大原安御骨。寶治元年四月北條時賴建祠

錄倉鶴岡西北山稱曰今宮。東鑑神

御門天皇諱為仁。後鳥羽帝第一子也。母承明門院源氏

內大臣通親之女。神皇正統記即位太政官廳。時年四歲。曆代

以關白基通攝政。補任○正治元年己未春正月征夷人將軍

源賴朝薨。先是稻毛重成修相摸川橋。賴朝親臨落之。歸

墜馬疾作。東鑑賴朝年三十三起兵六歲夷平氏。握天下兵

馬者十五年。乃歿。年五十三。百鍊抄敕以長子賴家為左近

衛權中將。總督諸國守護。賴家時年十八。母政子削髮為

尼。而與聞政事。北條時政以外祖執政。不使賴家聽訟。賴

家有狎臣五人。獨與之游處。寢淫縱。政子驟戒之。不悛。時

梶原景時被誅

建仁元年

政如不聞知也。東○六月。以右大臣藤原賴實為太政大臣。補○二年。庚申春正月。梶原景時至駿河。為州人所殺。初景時變於賴朝。及賴家立。又有寵。賴家有弟曰千幡。為賴朝所愛。嘗置之懷中。召宗族諸將。囑之。小山朝光與焉。及賴朝薨。朝光欲為削髮。以有遺託。未果。景時譏之。賴家曰。朝光有忠臣不事二君之語。恐有異志。朝光聞而自危。與和田義盛等六十餘人。連署罪狀。景時因大江廣元請誅之。廣元留之。不上。義盛促之。乃上。賴家賴家下令追之。遂為土豪所殺。眾快之。○建仁元年。辛酉春正月。越後人城長茂率兵圍小山朝政第。不克。犯上皇宮。請討源賴家。不許。百鍊抄奔匿吉野。賴家遣朝政索獲斬之。長茂從子資盛據

賴家為征夷大將軍

實朝為大將軍

越後。鳥阪賴家遣佐佐木盛綱討之。資盛逃亡。其姑曰板額醜。而多力善射。遂被虜。送致鎌倉。安田義遠請娶之。賴家問其意。對曰。欲使生勇士。以益於君耳。賴家笑而聽之。○二年。壬戌秋七月。賴家為征夷大將軍。東○十二月。攝政基通罷。以左大臣藤原良經攝政。代○三年。癸亥秋九月。北條時政殺大將軍源賴家。于一幡。及其舅比企能員。幽賴家于伊豆修禪寺。立其弟十幡。詔賜名實朝。拜為征夷大將軍。時甫十二歲。初賴家有疾。頗危篤。其子一幡能員女所生也。時政議繼嗣。割關東二十八國守護職。傳於十幡。能員以為不可。使其女密告之。賴家召能員謀討北條氏。政于在屏後聞之。書報時政。時政給能員招致擊

元久元年

時政殺將軍賴家

新古今和歌集

殺之比企氏子弟扶一幡據小御所遣兵攻慶之賴家病
 間聞之怒令和田義盛討時政義盛告之時政故至於此
 東○元久元年甲春三月平氏族富田基度三浦盛時等
 作亂伊賀伊勢遣平賀朝雅討平之明月○六月比條時
 政殺畠山重忠初重忠子重保在京師與平賀朝雅因飲
 酒相詬朝雅與重忠皆時政女婿而朝雅所娶其後妻牧
 氏出故牧氏怒時政令子義時給致重忠殺之於途○七
 月時政弑前將軍源賴家承久○十二月太政大臣賴實
 罷以攝政良經代之補○二年乙春三月藤原定家藤原
 通具等上新古今和歌集本書○秋閏七月比條時政謀
 廢大將軍源實朝立平賀朝雅事覺令時政削髮并其妻

建永元年

承元元年

禁專修念佛

牧氏放於伊豆以時政子義時襲其職令佐佐木廣綱殺
 朝雅東鑑○建永元年丙春三月攝政太政大臣良經薨以
 左大臣藤原家實攝政補○冬十月攝政家實為關白代
 皇記○承元元年丁卯春二月禁專修念佛宗配僧源空於土
 佐曆代其弟子親鸞於越後親鸞○十二月以賴實再為
 太政大臣○三年己春正月太政大臣賴實罷補○四年
 庚冬十一月帝禪位于皇太弟五帝溫醇淵懿仁慈矜物
 施為不耀後鳥羽上皇深愛太弟守成使丞傳位帝雖心
 不懌而無幾微形于色從此居閑詠歌自娛增上皇之討
 比條氏帝謂時未至矣屢諫止之不聽保曆及王師敗比
 條義時遷二帝於海外帝以不預軍事獨不及焉然不忍

留京師增使攝政道家諭旨鎌倉承久義時徙帝于土佐
後改遷于阿波增寬喜三年十月薨髮法名行源崩于阿
波年三十七一代火葬送御骨于京師藏西山金原法華
堂紹運要略

紀元一千八百七十一年

順

德天皇諱守成後鳥羽帝第三子也母修明門院藤原氏
左大臣範季之女神皇正統記十二月即位于太政官廳時年

建曆元年

十四一代○建曆元年辛未冬十一月勅召還流人僧源空

建保元年

親鸞親鸞傳○二年壬申春三月頒新制二十一條五○建保

和田義盛作亂

元年癸酉夏五月和田義盛攻北條義時於源實朝第敗明

初義盛二子義直義重姪胤長等與泉親衡奉故大將
軍賴家少子千壽起兵討北條氏北條義時遣兵擊敗之

承久元年
僧公曉殺將軍實朝

千壽逃之鎌倉尋走京師義盛叙己功乞二子命實朝釋
之義盛又率族人乞胤長命義時惡其偏袒縛胤長過義
盛前而屬之吏義盛慚憤起兵攻義時不克死○二年甲戌
冬十一月和田義盛遣臣狹千壽謀攻六波羅大江廣元
遣兵掩捕千壽自殺東鑑○六年戊寅冬十月以内大臣藤原
公房為太政大臣補任○十二月内大臣源實朝為右大臣

一代○承久元年乙卯春正月故大將軍賴家子僧公曉殺
大將軍源實朝初賴家之及難公曉避在京師及長義時
以政子命迎之補鶴岡別當公曉常欲殺實朝及義時以
復父仇而未得間實朝為右大臣夜行拜賀禮於鶴岡大
江廣元勸用晝日且衷甲自備不聽實朝臨出使秦公氏

三浦義村殺公曉

義時以藤原賴經為鎌倉主

梳髮拔髮一縷與之。晒曰：吾遺物也。隨兵千騎。義時捧劍從。及祠門。稱病作。授劍於源仲章。而還。禮畢。下階。公曉自暗中。斫殺實朝及仲章。而逃匿。其弟子駒若。三浦義村。子也。因遣使謂義村曰：吾當代為將軍。子為我計之。義村答曰：將以兵奉迎。而急告。義時。義時稱政子命。使輒殺之。承久

記東 義村乃遣長尾定景。率力士五人赴之。公曉望迎。兵久之不至。乃自踰祠後高阜。如義村家。途遇五人奮關。定景自傍斬其首。送之。義時。明日葬實朝。不得首。以所遺一髮代之。○六月。北條義時等。奏請藤原賴經為鎌倉主。初義時欲擇後鳥羽上皇。二皇子立為將軍。不許。曰：兄既登天位。而弟又專制關東。是樹二主也。乃請左大臣道家子

源賴茂火仁壽殿

賴經以有與源氏姻親也。承久記 ○七月。大內守護源賴茂謀亂。遣官兵討之。賴茂縱火。仁壽殿自殺。殿舍多焚。和

寺日 ○二年。庚辰。春三月。造大內。藥 ○二年。辛巳。夏四月。帝讓位於皇太子。曆代 帝英敏開朗。好典籍。最能和歌。所親撰。有八雲抄。禁秘抄。仁和寺書 以修明門院有寵。特為後鳥羽上皇所愛。故得登踐位。其討北條氏也。專參謀。及京師陷。遷于佐渡。仁治三年九月。崩于佐渡。年四十六。增鏡 寬元元年。奉安御骨於大原法華堂側。建長元年。追稱順德院。紹連錄

仲恭天皇諱懷成。順德帝第三子也。皇代 母東一條院藤原

氏攝政。良經之女。百鍊抄 受禪時年四歲。要代 關白家實罷

紀元一千八百八十一年即位

託流鎬馬集兵

以左大臣藤原道家攝政補○承久三年五月後鳥羽上皇將討北條義時託城南流鎬馬集山城大和等十四國兵奪義時官爵拘大納言藤原公經父子于弓場殿以關東姻親也初上皇常憤源氏撓朝權有圖鎌倉之志置院西面上親武事至手造刀劍及實朝遭害謂威柄可復而關東權勢自如意益不平幸熊野見仁科盛遠攜兒伏謁道傍上皇擢為西面義時怒關東家人恣侍上皇收其食邑上皇敕還之不奉敕承久會三浦胤義宿衛京師以事憾義時過期不還上皇使藤原秀康諭旨胤義奮曰臣兄我村力能辦之上皇大喜至是密發使齎詔諭義村及關東諸豪義村告之義時義時會諸將政子隔簾親問曰汝

承久之變

義時上疏叔京師

等聽院宣赴京師佐滅關東乎抑一心戮力以全故右大將之業共保食邑乎即時決對皆同聲答曰誰肯東向關弓諸將請保足柄函根大江廣元曰事久衆心變不如直西上犯京師也義時乃遣子泰時朝時弟時房分道西犯東兵稍稍追從凡從役者父行留子子行留父行者凡十九萬人義時上言曰臣無罪被討不敢逃避聞陛下喜戰謹獻臣長男泰時次男朝時以下十九萬人使之為戰陛下觀焉猶不厭於心則猶有二十万人在臣將自將以繼之書入內外失色上皇曰可也東人必有乘虛誅義時者官軍塵一萬七千餘人分付諸將守美濃尾張越中間與賊遇皆敗泰時鼓行而西京師震動上皇幸叡山山徒遜

官軍皆敗

泰時入京師

義時遷三上皇

辭力不足以扞東軍，乃還。東鑑承久記○六月遣大納言藤原忠信，權中納言源有雅等分見兵二萬五千，守宇治勢多及淀。時水潦方漲，官兵撤橋，守射卻賊，賊毀民家，結筏以濟。官軍敗績，藤原朝俊、鏡久綱、仁科盛遠、八田知尚、佐佐木氏綱、經高等前後皆死之。泰時入京師，上皇懼不知所出，遣使諭泰時復義時本官，停征伐院宣，曰：「此舉皆謀臣所誤，乃歸罪於權大納言藤原忠信，權中納言源有雅、藤原光親、藤原宗行、參議藤原範茂等六人。泰時命諸將各拘一人，捕王師逃亡者，押送鎌倉。廣元引文治故事，盡處斬，獨釋藤原忠信。流越後，以其與鎌倉有親也。」東鑑○秋七月，義時遷後鳥羽上皇於隱岐，土御門上皇於土佐，順德

在位七十餘日

上皇於佐渡，雅成賴仁二皇子皆從焉。承久記○攝政道家罷。攝關傳○帝遜位於九條院。白錄委棄神器于閑院，在位七十餘日。神皇正統記文曆元年五月崩于九條院，年十七。增鏡稱九條廢帝。紹運錄明治三年七月追諡曰仲恭天皇。官途必携山陵在山城愛宕郡伏見街道塚本町。

國史略卷之二終

...

...

...

...

...

...

...

...

...

...

...

...

終

